




~~Adly~~

BBB

9

15.8.326

15K.8





ARTICULI
DIÆTALES
M. DCC. XLI.

*Cum Speciali Privilegio Sacræ Regiæ
Majestatis.*



TYRNAVIÆ, Typis Academicis Soc. Jesu,
Annô M. DCC. XLI.





PRIVILEGIUM REGIUM.

NOS MARIA
THERESIA

DEI Gratiâ Regina Hungariæ, Bohemiæ, Dalmatiæ, Croatiaë, & Sclavoniæ; Archi-Dux Austriæ; Dux Burgundiæ, Styriæ, Carinthiæ, & Carniolæ; Comes Flandriæ, Tyrolis, & Goritiæ; Nupta Dux Lotharingiæ, & Barri; Magna Dux He-truriæ, &c. Memoriaë commendamus tenore præsentium significantes, quibus expedit, Universis. Quòd posteaquàm ex parte Typographiæ Academicæ Tyrnaviensis Societatis JESU Majestati Nostræ demissè in eo supplicatum fuisset, quatenùs nuper conclusæ Generalis antelati Regni Nostri Hungariæ Diætæ Articulorum impressionem cum eo benigno Privilegio Nostro : Ne Typographis, & Librariis in Regnis, & Provinciis Nostreis Hæreditariis degentibus impressio, aut alibi etiam impressorum in hæc Regna

importatio sub Poena Legali in Contraventores statuenda, admittatur, clementissimè concedere dignaremur; Nos pro parte memoratæ Typographiæ Academicæ Tyrnaviensis Majestati Nostræ factâ demissâ supplicatione clementer permotæ, id eidem de Regiæ Potestatis plenitudine, & Gratia speciali clementer annuendum, & concedendum esse duximus: Ut eadem Typographia præinsinuos nuper conclusæ Generalis Regni Diætæ Articulos per quinquennium imprimere, ac Typis mandare possit, ac valeat, nec aliis in Regno Hungariæ degentibus Typographis, & Librariis ejusmodi Articulorum impressio, aut alibi impressorum in hæc Regna inductio sub Poena Legali in Contraventores statuenda, decursu præscriptorum quinque annorum sit licita; imò concedimus, & annuimus præsentium per vigorem. Quocirca Vobis cujuscunque Statûs, Gradûs, Conditionis, & Præeminentiæ Fidelibus Subditis Nostris, harum serie firmiter præcipientes committimus, & mandamus, quatenus prænominatam Typographiam Academicam Societatis JESU Tyrnaviensem, in editione, & impressione præde-

clara-

claratorum Articulorum Diætalium publice, vel privatim nullatenus turbare, impedire, molestare, & prohibere præsumatis, sed Ipsam hac benignâ gratiâ, & annuentiâ Nostrâ præviô modô concessâ liberè, securè, & absquè ullo damno, molestia, & impedimento uti, frui, & gaudere permittatis, ac per eos, quorum interest, vel intererit, permitti facere modis omnibus debeatis, & teneamini. Harum Nostrarum Secretô Sigillô Nostrô, quô ut Regina Hungariæ utimur, impendenti communitarum vigore, & testimoniô Literarum mediante, quas post earum lecturam semper reddi volumus, & jubemus præsentanti. Datum per manus Fidelis Nostri, Nobis sincerè dilecti, Spectabilis, ac Magnifici Comitis Ludovici de Batthyán, Perpetui in Németh-Ujvár, Comitatus Castri-Ferrei Supremi, & Perpetui Comitis, Pincernarum Nostrorum Regalium per Hungariam Magistri, Consilarii item Nostri Actualis Intimi, nec non per antelatum Regnum Nostrum Hungariæ Aulæ Nostræ Cancellarii, in Libera, Regiâque Civitate Nostra Posoniensi, Die 16. Mensis Novembris, Annô Domini Millesimô Septingentesimô

tesimô' Quadragesimô primô, Regnorum
Nostrorum Hungariæ, Bohemiæ, & reli-
quorum Annô Secundô.

Maria Theresia.



Comes Ludovicus de Batthyán.

Petrus Vegh.



NOS MARIA
THERESIA
DIVINA FAVENTE
CLEMENTIA REGINA
Hungariæ, Bohemiæ, Dalma-
tiæ, Croatiaë, Sclavoniæ, Ra-
mæ, Serviæ, Gallitiæ, Lodo-
meriæ, Cumaniaë, Bulgariæ ;
Archi-Dux Austriæ ; Dux Bur-
gundiæ , Brabantiaë, Superio-
rioris, & Inferioris Silesiæ, Me-
diolani , Styriæ , Carinthiæ ,
Carnioliaë, Mantuæ , Parmæ,
Placentiæ , Limburgiæ , Lu-

cemburgiæ, Geldriæ, & Würtembergæ; Princeps Sveviæ; Marchio Sacri Romani Imperii, Burgoviæ, Moraviæ, Superioris, & Inferioris Lufatiæ; Comes Habsburgi, Flandriæ, Tyrolis, Ferretis, Kyburgi, Goritiæ, Gradiscæ, & Arthesiæ; Landgravia Alfatæ; Comes Namurci, Domina Marchiæ Sclavonicæ, Portûs Naois, Salinarum, & Mechliniæ; Nupta Dux Lotharingiæ, & Barri, Magna Dux Hetruriæ, &c. &c.

MEmoriæ commendamus tenore Præsentium significantes, quibus expedit, Universis. Quòd posteaquàm ex inscrutabili Divini Numinis Judiciò, Sacram

5
Sacram olim Romanorum Impera-
toriam, ac Germaniæ, Hispaniarum,
Hungariæ, ac Bohemiæ Regiam
Majestatem Dominum CAROLUM
SEXTUM Genitorem Nostrum de-
sideratissimum Mense Octobri, An-
ni proximè præteriti, de hac mor-
tali vita, temporaneoque Regimi-
ne ad æternæ Gloriæ Coronam evo-
cari, & transferri contigisset, ac
Nos ex eo, quòd nullam Masculam
Prolem post se reliquerit, tanquam
Primogenita Ejusdem Filia, & im-
mediata ex asse Hæres, & conse-
quenter in hoc quoque Hæredita-
rio Regno Hungariæ, ac Partibus
ei annexis Successor, Dictamine Ar-
ticulorum Primi, & Secundi Gene-
ralis Regni Hungariæ Diætæ, in
Anno Millesimo Septingentesimo
Vigesimo tertio conclusæ, Altesfato
pientissimæ memoriæ Genitori No-

A 5 stro,

stro, in isto Regno Hungariæ, ac Partibus eidem annexis legitimè successissemus, Universisq̃ue Dominis Prælatiſ, Baronibus, Magnatibus, Nobilibus, cæterisque Statibus, & Ordinibus præfati Regni Noſtri Hungariæ, & Partium eidem annexarum, pro Regia Coronatione Noſtra, juxta exigentiam publicarum dicti Hæreditarii Noſtri Hungariæ Regni Constitutionum, ſoleni ritu, DEO Ter Optimô Maximô auxiliante, peragenda, Electione item Palatini, expoſt verò cæteris etiam, quæ in Bonum, & Incrementum prælibati Regni Noſtri, uti & Ejusdem ſtabilem Conſervationem neceſſaria, & proficua fore videbuntur, curandis, & tractandis, Generalem Conventum, ſeu Diætã ad Dominicam *Exaudi*, in Diem decimum quartum præteriti

Menſis

Mensis Maji, Anni præsentis inci-
 dentem, in Liberam, ac Regiam
 Civitatem Nostram Pofoniensem
 indixissemus, & promulgâssemus,
 ac eidem Personaliter quoquè præ-
 fuissimus, conclusis tandem, & fi-
 nitis Diætalibus Tractatibus, Iidem
 Domini Prælati, Barones, Magna-
 tes, & Nobiles, cæterique Status,
 & Ordines præfati Regni Nostri
 Hungariæ, & Partium eidem an-
 nexarum exhibuerunt, & præsentâ-
 runt Majestati Nostræ sequentes Ar-
 ticulos, in eadem Diæta communi-
 bus Ipsorum Votis, & Suffragiis,
 parique, & unanimi Consensu, ac-
 cedente Benignâ Annuentiâ Nostrâ,
 conclusos: Supplices Majestati
 Nostræ humillimè, quatenus Uni-
 versos eos Articulos, omniâque, &
 singula in eis contenta, ratos, gra-
 tos, & accepta habentes, No-

strúmque Regium Consensum iis
 præbentes, Authoritate Nostrâ Re-
 giâ clementer acceptare, approba-
 re, & confirmare, atque tam Nos
 Ipsæ observare, quàm per alios o-
 mnes, quorum interest, observari
 facere dignaremur. Quorum qui-
 dem Articulorum Tenor talis est:

ARTI-

ARTICULI
 DOMINORUM
 PRÆLATORUM,
 BARONUM,
 MAGNATUM, & NOBILIUM,
 CÆTERORUMQUE
 STATUUM, & ORDINUM
 REGNI HUNGARIÆ,
 PARTIUMQUE EIDEM
 ANNEXARUM,

In Generali Eorundem Conventu,
 pro Dominica *Exaudi*, seu Die decima
 quarta Mensis Maji, Anni Millesimi, Se-
 ptingentesimi Quadragesimi primi, in
 Liberam, Regiámque Civitatem Poso-
 niensem indicto, ibidémque cele-
 brato, conclusi.

P R Æ F A T I O.

P*ost funesta, ac Regnis
præsertim, Provinciisque
Hæreditariis perquàm a-
cerba, Divi CAROLI SEXTI,
gloriosissimæ Reminiscentiæ Impera-
toris Romanorum, & Hungariæ Re-
gis, absque Prole Masculina deceden-
tis, fata, quod multis, ardentibusque
precibus à Supremo, Corda Regum
in manu habente, Cæli, Terræque
Domino exorandum fuisset, id ex im-
mensa ejusdem Providentia, ultrò,
sibi datum esse, Status, & Ordines
Regni Hungariæ, Partiúmque eidem
annexarum, venerabundi agnoscunt,
quando Serenissimam, & Potentissi-
mam Dominam Dominam MA-
RIAM THERESIAM, præli-
batæ Cæsareo-Regiæ Majestatis Pri-
moge-*

mogenitam Filiam, Regni istius, Partiumque eidem annexarum Reginam, & Dominam Hæreditariam, tot, tantisque, & animi verè Regii, & corporis Dotibus ornatam, à Pietate, Benignitate, clementerque testato, & jam communi voce deprædicato Regio non minùs, quàm Materno in Gentem Hungaram Affectu, concrediti sibi Divinitùs Populi Regimen auspiciatam esse, Justitiàmque, & Clementiam pro Symbolo, & Norma regendi sapientissimè juxta, ac Sanctissimè posuisse, non sinè maximo animorum suorum solatio contemplantur. Et quemadmodùm spe firmà ducuntur, futurum nempe : ut, sub hoc, faustissimis auspiciis, in complexu videlicet tot, tantarumque DEO, & hominibus adeò gratarum Virtutum, suscepto Suæ Regiæ Majestatis Gubernio, & Legibus sua

vis maneat, serveturque, & Incrementum Regni, Decus item, & Applicatio, Elevatioque Gentis olim florentissimæ, pristino vigori, splendorique postliminiò quasi restituatur, repareturque; ità prima inter Solatia numerant, quòd Generalem Regni Conventum, seu Dietam, mediantibus benignis Literis Regalibus, pro faustissima Inauguratione, Coronationeque Sua, Electione item Palatini, aliorumque, quæ videlicet ad promovendum publicum Regni Bonum, & Emolumentum, prouti & stabilem ejusdem Conservationem necessaria, atque proficua fore videbuntur, Pertractatione, pro Dominica Exaudi, seu Die decima quarta Mensis Maji, Anni currentis, Mille-simi Septingentesimi Quadragesimi primi, in Regiam hanc, Liberamque Civitatem Posoniensem clementer indicere,

dicere, ac anxiiis, avidisque *Votis*
expectatâ benignissimâ Præsentia
Suâ, mæstos eorundem fidelium Sta-
tuum, & Ordinum animos recreare,
moxque secutâ Palatini Electione,
eisdem consolari, ac tandem addi-
centibus auspiciis, peractâ solenni
Inauguratione, Coronationeque Suâ,
non Eorundem solum, sed Populi to-
tius corda exbilarare sit dignata.
Atque dum omnes vires, conatûsque
suos eò dirigendos, impendendosque
profitentur: ut Regnum hoc, quod
Regnorum Suæ Regiæ Majestatis
primum est, in amore, fidelitate, &
devotione, nulli sit secundum, suppli-
cant simul perdemijsse, ut Altesata
Sua Majestas infrascriptos Articulos
pro ratione moderni temporis, ex
Gravaminibus, & Postulatis, secu-
tisque desuper Benignis Resolutio-
nibus erutos, communique Votô, &

*Consensu , accedente benignâ Suæ
Majestatis Annuentiâ conclusos, cle-
menter acceptare , Regiâque Autho-
ritate Suâ ratificare, ac tam Ipsa be-
nignè observare, quàm per alios quos-
cunque observari facere dignetur.*

Sere-



*Serenissima, & Potentissima
Domina, Domina MARIA
THERESIA in Reginam
Hungariæ, Partiúmque eidem
annexarum inauguratur, & co-
ronatur.*

ARTICULUS I.

Sacratissimô quondam Principe,
Dominô CAROLO VI. Impe-
ratore Romanorum, & Hun-
gariæ Rege Gloriosissimô, de
temporali hoc Regimine, ad sempiter-
nam immortalis Gloriæ Coronam evo-
catô, & ex eo: quòd nullam Masculam
Prolem post se reliquerit, Serenissima,
ac Potentissima Dominâ, Dominâ MA-
RIA THERESIA, tanquàm Primogeni-
tâ Ejusdem Filiâ, & immediatâ ex asse
Hærede, ac in hoc quoquè Hungariæ
Regno,

Regno , & Partibus eidem annexis, Vir-
tute Articulorum Primi, & Secundi, Anni
Millesimi Septingentesimi Vigefimi tertii
Diætæ Posoniensis Successore, Fasces ,
& Gubernacula Regni legitimè fufcipiente;
Fideles Status , & Ordines præno-
tatorum Articulorum Contextûs non
immemores, pro homagialis Fidei fuæ
debito , prænominatam Dominam eo-
rum Clementiffimam, poft extraditos
benigno Diplomati fuo infertos Artic-
ulos, depositumque fecundùm Formu-
lam fubinfertam Juramentum, invoca-
tô DEI Optimi Maximi auxiliô , Sacrô
Apostolici Hungariæ Regni Diademate,
unanimis inter applaufus, & fauftiffimas
acclamationes ritu folenni coronârunt.

*Diploma Regium per Sacram
Regiam Majestatem ante felicem
Inaugurationem, Coronationem-
que Suam, Statibus, & Ordini-
bus Regni datum, Publicis Regni
Constitutionibus inferitur.*

ARTICULUS II.

Postquàm Sacra Regia Majestas, viâ
legi-

legitimæ, & immediatæ in Articulis Primo, & Secundo Anni Millefimi Septingentesimi Vigefimi tertii, declaratæ Successionis, Regimen Regni Hungariæ, & annexarum eidem Partium fufcipiens, Diplomaticos Articulos, ac Juramentum in ea, quæ subnectitur Forma, clementer acceptâfset, & præftitiffet, Diætaliſſimè Coronata eſſet, cenſuerunt Status, & Ordines præattactos Diplomaticos Articulos, ſeu Ipſum Sacrum Diploma, uti & præſtiti Juramenti Contextum, Generalibus eorundem Conſtitutionibus inferenda eſſe. Cujus quidem Diplomatis Tenor ſequitur in hunc modum :

NOS MARIA THERESIA, Divinâ favente Clementiâ Regina Hungariæ, Bohemiæ, Dalmatiæ, Croatiaë, Sclavoniæ, Ramæ, Serviæ, Gallitiæ, Lodomeriæ, Cumaniaë, Bulgariæ; Archidux Aſtriæ; Dux Burgundiæ, Brabantiaë, Superioris, & Inferioris Sileſiæ, Mediolani, Styriæ, Carinthiæ, Carnioliaë, Mantuæ, Parmæ, & Placentiæ, Limburgiæ, Lucemburgiæ, Geldriæ,
B Wür-

Würtembergæ; Princeps Sveviæ; Marchio Sacri Romani Imperii, Burgoviæ, Moraviæ, Superioris, & Inferioris Lusatiae; Comes Habsburgi, Flapdriæ, Tyrolis, Ferretis, Kyburgi, Goritiæ, Gradiscæ, & Arthesiæ; Landgravia Alsatiae; Comes Namurci; Domina Marchiæ Sclavonicæ, Portûs Naonis, Salinarum, & Mechliniæ; Nupta Dux Lotharingiæ, & Barri, Magna Dux He-truriæ, &c. quâ prælibati Regni Hungariæ, & aliorum Regnorum, ac Partium eidem annexarum Regina. Agnos-cimus, & memoriæ commendamus te-nore præsentium significantes, quibus expedit, Universis : Quòd posteaquàm ex inscrutabili Divini Numinis Judicio Serenissimum, & Potentissimum olim Principem Dominum CAROLUM hujus Nominis SEXTUM, Electum Romano-rum Imperatorem, ac Germaniæ, Hi-spaniarum, Hungariæ, Bohemiæ, &c. Regem, Archi-Ducem Austriæ, Domi-num Genitorem Nostrum felicitis Recor-dationis desideratissimum, Mense Octobri Anni proximè præteriti, de hac mortali vita, & temporaneo Regimine, ad sem-piter-

piternam Immortalitatem , ac æternæ
 Gloriæ Coronam evocari, & transferri
 contigisset, ac ex eo , quòd nullam su-
 perstitem Masculam Prolem post se reli-
 querit, Nos, quâ Primogenita ejusdem
 Filia, & immediata ex asse Hæres in
 Regno Hungariæ , & Partibus eidem
 annexis, vigore etiam Articulorum Pri-
 mi, & Secundi Diætæ, in Anno Mille-
 simo Septingentesimo Vigesimo tertio
 conclusæ, Legalem Successionem no-
 stram declarantium, & stabilientium,
 legitimè successissemus, ac ad Mentem
 Legum Regni, pro felici; eâque faustis-
 simis Votis, DEO Ter Optimô Maximô
 auxiliante, instauranda Inauguratione
 Nostra, Fidelibus Nostris Universis In-
 clyti Regni Nostri Hungariæ, & Par-
 tium eidem annexarum Statibus, &
 Ordinibus Conventum, seu Diætam,
 intra idem Regnum Hungariæ, utpote
 in Regiam, Liberâmq; Civitatem No-
 stram Posoniensem, pro Dominica *Exau-*
di, seu Die decima quarta Mensis Maii,
 Anni infra scripti indixissemus, & pro-
 mulgâssemus, ad eandemque Nos etiam
 Personaliter comparentes, eidem præ-

fuissemus : Fideles Nostri Universi Prælati, Barones, Magnates, & Nobiles, cæterique Status, & Ordines mentionati Nostri Inclyti Regni Hungariæ, Partiúmque eidem annexarum, ad præsentem Diætam plenô, & frequentissimô Numerô comparentes, præmentionatarúmque Diætaliû Constitutionum haud immemores, pro exigentia earundem, debitam, & homagiale[m] erga Nos, quâ Legitimam, & Hæreditariam Regnam Suam, ac Dominam, Devotionem, & Fidem testati, desiderióque auspican-dæ felicissimæ Inaugurationis Nostræ ducti, supplicaverunt Majestati Nostræ humillimè, & rogaverunt, ùt innuentibus præcitatis Constitutionibus, omninò ante adhuc faustissimam Coronationem Nostram Nos infra scriptos Articulos, omniáque, & singula in iisdem contenta, ratos, gratos, & accepta habentes, Nostrúmque Consensum illis præbentes, benignè acceptare, & Autoritate Nostrâ Regiâ approbare, & confirmare, ac tam Nos Ipsæ benignè observare, quàm per alios, quorum interest, firmiter observari facere dignaremur ;

Quo-

Quorum quidem Articulorum Tenor sequitur in hunc modum :

PRIMO: Quòd præter ab antiquo deductam Hæreditariam Regiam Successionem, Coronationemque, in reliquo universas, & singulas communes istius Regni Hungariæ, Partiùmque eidem annexarum Libertates, Immunitates, Privilegia, Statuta, Communia Jura, Leges, & Consuetudines, à Divis quondam Hungariæ Regibus, & gloriosissimæ memoriæ Prædecessoribus Nostris hætenùs concessas, & confirmatas, in futurùmque concedendas, & per Nos confirmandas (ad quas, & quæ dicti Status, & Ordines Formulam quoque Juramenti ad initium Decretorum Serenissimi olim Principis Domini FERDINANDI PRIMI, gloriosæ reminiscentiæ Antecessoris Nostri positam, extensam, & reduktam habent) exclusâ tamen, & semotâ Articuli Decreti Divi ANDRÆ Regis Secundi, de Anno Millesimo Ducentesimo Vigesimo secundo, Clausulâ, incipiente: *Quòd si verò Nos*, usquè ad verba: *in perpetuum facultatem*; in omnibus suis Punctis, Clausulis, & Articulis, prout su-

per eorum usû, & intellectu Regio, & communi Statuum Consensu Diætaliter conventum fuerit, firmiter, & sanctè observabimus, per aliósque omnes, & singulos inviolabiliter observari faciemus.

SECUNDO : Sacram Regni Coronam, juxta veterem Consuetudinem ipsorum Regnicolarum, Legésque Patrias, per certas de Eorum medio unanimiter ad hoc delectas, & deputatas Personas Sæculares in hoc Regno conservabimus.

TERTIO : Hactenus recuperata, & exposit DEO adjuvante, recuperanda quævis hujus Regni, Partiúmque ei annexarum Tenuta, & Partes, ad mentem etiam Juramentalis Formulæ prænotato Regno, & eidem annexis Partibus, de toto reincorporabimus.

QUARTO : Quòd in Casu (quem DEUS procul avertere velit) defectûs utriúsque Sexûs Archi-Ducum Austriæ, præprimis quidem ab Altesatò Genitore Nostro, dein in hujus defectu, à Divo olim JOSEPHO, his quoquè deficientibus, ex Lumbis Divi olim LEOPOLDI Imperatorum, & Regum Hungariæ descendendum, juxta etiam Dictamen præ-

præcitatorum Primi, & Secundi Articulorum, præfatæ Diætæ Anni Millefimi Septingentesimi Vigefimi tertii, Prærogativa Regiæ Electionis, Coronationisque antefatorum Statuum, & Ordinum in pristinum Vigorem, Statumque redibit, & penes hoc Regnum Hungariæ, & prædictas Partes, ejusdemque antiquam Consuetudinem illibatè remanebit.

QUINTO: Ut præmiſſum eſt, toties, quoties ejusmodi Inauguratio Regia intra ambitum sæpè fati Regni Hungariæ, ſucceſſivis temporibus Diætaliſter inſtauranda erit, toties Hæredes, & Succeſſores Noſtri, futuri Neo-Coronandi Hæreditarii Reges præmittendam habebunt præſentis Diplomaticæ Aſſecurationis acceptationem, deponendùmque ſuperinde Juramentum.

Nos itaque prædicta Univerſorum Statuum, & Ordinum Regni Hungariæ, & Partium eidem annexarum Inſtantiâ benignè admiſſâ, pro benigna animi Noſtri propenſione, ipſiſque benignè gratificandi Voluntate, præinſertos Univerſos Articulos, ac omnia, & ſingula in iſdem contenta, rata, grata, & ac-

cepta habentes, eisdem Nostrum Consensum, benevolum, pariter & Assensum præbuimus, & illos, ac quævis in eis contenta clementer acceptavimus, approbavimus, ratificavimus, & confirmavimus: Promittentes, & assécurantes Status, & Ordines in Verbo Nostro Regio, quòd præmissa omnia tam Nos Ipsæ observabimus, quàm per alios Fideles Subditos nostros cuiuscunque Statûs, & Conditionis existant, observari faciemus; Utî vigore hujus Nostri Diplomatis acceptamus, approbamus, ratificamus, & confirmamus, atquè promittimus. In cujus Fidem, & Testimonium Literas has manu propriâ subscripsimus, & Sigilli Nostri Regii appensione muniri fecimus. Datum in Arce Nostra Regia Posoniensi, Die vigesimâ quartâ Mensis Junii, Annô Domini Millesimô Septingentesimô Quadragesimô primô: Regnorum Nostrorum Hungariæ, Bohemiæ, & reliquorum Annô Primô.

MARIA THERESIA mpr.

Comes Ludovicus de Batthyán mpr.

Josephus Koller de Nagy-Mánya mpr.

Jura-

Juramenti autem Regii contextus talis erat :

NOS MARIA THERESIA DEI Gratiâ Hungariæ, Bohemiæ, Dalmatiæ, Croatiaë, Sclavoniæque, &c. Regina; Archi-Dux Austriæ; Nupta Dux Lotharingiæ, ac Barri, Magna Dux Hetruriæ; quâ prælibati Regni Hungariæ, & aliorum Regnorum, ac Partium eidem adnexarum Regina, Juramus per DEUM vivum, per ejus Sanctissimam Genitricem Virginem MARIAM, ac omnes Sanctos; Quòd Ecclesias DEI, Dominos Prælatos, Barones, Magnates, Nobiles, Civitates Liberas, & omnes Regnicolas in suis Immunitatibus, & Libertatibus, Juribus, Legibus, Privilegiis, ac in antiquis bonis, & approbatis Consuetudinibus conservabimus, omnibusque Justitiam faciemus, Serenissimi quondam ANDREÆ Regis Decreta (exclusâ tamen, & semotâ Articuli Trigesimali primi Ejusdem Decreti Clausulâ, incipiente: *Quòd si verò Nos, &c.* usque ad verba: *in perpetuum facultatem*) observabimus, Fines Regni Nostri Hun-

gariæ, & quæ ad illud quôcunque Jure, aut Titulô pertinent, non abalienabimus, nec minuemus, sed quoad poterimus, augebimus, & extendemus, omniâque illa faciemus, quæcunque pro Bono Publico, Honore, & Incremento omnium Statuum, ac totius Regni Nostri Hungariæ justè facere poterimus: Sic Nos DEUS adjuvet, & omnes Sancti.

Neo-Coronatæ Regiæ Majestati Honorarium offertur.

ARTICULUS III.

CUpivissent equidem Fideles Status, & Ordines Regni singulari eorundem super felicissimè, & ingenti totius Populi lætitiâ peracta Inauguratione, Coronationeque Regia Congratulationi correspondens, amor, zeloque Donativum jungere, & ità in benignissimum Neo-Coronatæ Regiæ Majestatis, Dominæ Dominæ ipsorum Clementissimæ Conspectum comparere, verum recognoscunt virium tenuitatem, &, ut devotissimis animis suscepti in Sacram Suae Regiæ Majestatis Personam ingenui amoris

amoris Testimonium plenè in effectu præbeant, omnem insufficientiam confitentur, ac ideò supplicant Suæ Majestati, ut, quod ad testandum homagialis Devotionis studium, ex animo obtulerunt, id consuetâ frontis serenitate, Maternique animi benignitate suscipere, nequè Oblati exilitatem, sed sincere offerentium animos clementer respicere dignetur.

Serenissimus Princeps Dominus FRANCISCUS Dux Lotbaringiæ, & Barri, Magnus Dux Hetruriæ, pro Corregente, & Coadministratore Regni Hungariæ, Partiûmque eidem adnexarum Modalitate subinsertâ declaratur.

ARTICULUS IV.

Rarissimas, & altissimis quibusque Fascibus dignissimas, Serenissimi FRANCISCI Lotharingiæ, & Barri Ducis, Magni Ducis Hetruriæ, &c. Sacræ Regiæ Majestatis, Dominæ Dominæ ipso-

ipforum Clementissimæ Conjugis Dilectissimi Virtutes, ac Regias animi Dotes, insigniâque tam Togâ, cum universorum quippe applausu, in Regno hocce, per Octennium, & quot excurrit, gesto Regii Locumtenentis Munere, quàm verò Sagô, cum vitæ nempe discrimine, occasione ultimi contra Turcas Belli ducto Exercitu comparata, avitâque à Glorioso Lotharingiæ Duce CAROLO Avo Suo Serenissimo (Qui præter utilissimam, & Salutarem toti Christianitati, in liberanda ab Obsidione Vienna, impensam operam, Regni Metropolim, Budam, è faucibus Turcarum gloriosè eripuit, Turcicâque Tyrannidem in ipsa Regni hujus viscera penetrantem, & ea iniquissimè usurpantem, post reportata præviè complurium Victoriarum Trophæa, depulsô è cervicibus Regnicolarum jugô, victoriosè, & gloriosissimè ad remotiores Regni fines propulsavit) in Se derivata perenni memoriâ dignissima Merita, contestatûmque pro Regno hocce tam sub glorioso Gubernio felicissimæ Recordationis Augustissimi quondam Imperatoris,

toris, & Regis CAROLI SEXTI, &c. quàm & modò Regnantis Majestatis benignum, & efficax Patrocinium, Singularémque illum, quò erga Gentem Hungaram fertur, amorem, & benignissimam propensionem, venerabundò æquè, ac gratissimò Status, & Ordines Regni recolentes animò, in perenne Testimonium justissimæ gratitudinis, annuente eatenùs benignissimè Sacrà Regiâ Majestate, Dominâ Dominâ ipso- rum Clementissimâ, Altesato Serenissimo Lotharingæ, & Barri Duci (quem DEUS, & Natura per Sacrum Conjugii fœdus, in partem Curarum, & Sollicitudinum vocavit) Corregimen, & Coadministratio- nem Hæreditarii hujus Hungariæ Regni, adnexarúmque Provinciarum, concordibus univerforum Statuum, & Ordinum Votis, spontè, & liberè, hac cum expressâ, quam Leges Regni dictarent, Declaratione, & absque ulla in futurum, per alios Regni hujus Regios Conjuges sumenda Consequentia, salvâque omni- modè Authoritate Palatinali, obtulerunt: Ut nimirum Corregimen hoc Articulis 1^{mo} & 2^{do} Anni 1723. tam respectu Inse-
para-

parabilitatis Hæreditariarum Sacræ Regiæ Majestatis Provinciarum, quàm etiam definitæ, ac circumscriptæ aliorum Successionis, nè in minimo quidem præjudicet, aut præjudicare possit. Ac ideo Corregimen hoc duret usque Dies vitæ (quos longissimos DEUS impertiri dignetur) & placitum Sacræ Regiæ Majestatis. Quòd si verò Sacram Regiam Majestatem (Cui diutissima, & felicissima ad feram Posteritatem Vita ardentissimè exoptatur) Divinò sic disponente Numine, præmori contingeret, Casu in eo, Sua Regia Serenitas usque tempus Minorennitatis Augustæ illius Prolis, quam Successio, & Hæreditas Regnorum, ac Provinciarum immediatè concernet, Regnum hoc, & Partes eidem annexas, Jure Tutorio, & Paterno Nominè gubernabit. In Casu verò Defectûs (quem DEUS clementer avertere dignetur) Jus, & immediata Successio, pro iis, quibus virtute Articulorum 1^{mi} & 2^{di} Anni 1723. competet, salva, & integra manebit. Vi huius demùm cum Consensu, & annuentia Sacræ Regiæ Majestatis spontè, & unanimiter oblatis

Corre-

Corregiminis, Regia Sua Serenitas Regni
Negotia, Regiminisque Pondus, in Con-
formitate Regni Legum coadministra-
bit, suprema tamen, & præsertim Titulis
4^{to} & 9^{no} Part. 1^{mæ} Oper. Dec. Triparti-
ti, declarata Potestas, Privilegiorum item
Collatio, & alia Jura Majestatica, velut
de Lege Regni, solis Legitimè Coronatis
Regibus competentia, penes solam Co-
ronatam Regiam Majestatem remane-
bunt. Ut verò Domini Prælati, Baro-
nes, Magnates, & Nobiles, universique
Status, & Ordines Regni Hungariæ, an-
nexarumque eidem Partium in suis Li-
bertatibus, Prærogativis, & Immunita-
tibus, Juribus, & Legibus conserventur,
Eadem Regia Serenitas, vi Corregiminis
sui curabit. Cujusmodi Oblatum mo-
dô, & formâ præmissâ Corregimen, Re-
gia Sua Serenitas, depositô super Obser-
vatione Universorum præmissorum Ju-
ramentô benignè acceptando, Eandem
Suam Regiam Serenitatem, indulgente
Sacrà Regiâ Majestate, Dominâ Dominâ
ipsorum Clementissimâ, Universi Status,
& Ordines pro Regni Hungariæ, Par-
tiumque eidem annexarum Corregente,
&

& Coadministratore concordibus Votis agnoscunt, declarant, & venerantur; sperantes indubiè Regiam Suam Serenitatem grati eorum, & promptissimi animi testimonium benignè accepturam, Regniq̃ue hujus Commoda, & Emolumenta pro Consolatione Statuum, & Ordinum tam vi Corregiminis Sui curaturam, quàm verò apud Sacram Regiam Majestatem benignè, & efficaciter promoturam.

Juramenti verò coram Sacra Regia Majestate, Statibúsque, & Ordinibus Regni depositi, Tenor est iste:

NOS FRANCISCUS, &c. Juramus per DEUM vivum, per ejus Sanctissimam Genitricem Virginem MARIAM, ac Omnes Sanctos: Quòd cum annuentia, & Consensu Sacræ Regiæ Majestatis, Dilectissimæ Conjugis Nostræ, Dominæ MARIÆ THERESIÆ, Hungariæ, & Bohemiæ Reginae, &c. per Inclytos Status, & Ordines Regni Hungariæ, annexarumque eidem Partium, Nobis iuxta Modum,

Modum, Formam, & Conditiones Articulariter declaratas oblatum Corregimen, & Coadministrationem acceptando, easdem universas Conditiones, & præscripti Articuli tenores ritè, sanctè, & inviolabiliter observabimus: Sic Nos DEUS adjuvet, & Omnes Sancti.

Comes Joannes Pálffy ab Erdöd, Perpetuus in Vörös-kó, &c. in Regni Palatinum eligitur.

ARTICULUS V.

Venerabundi recognoscunt Status, & Ordines Regni peculiarem Sacræ Regiæ Majestatis in Hæreditarium hoc Regnum Suum jam inde à primordio feliciter suscepti Regiminis Materno affectu testatam, ac in eo quoque specialiter declaratam Propensionem, quòd Generalia hæc Regni Comitia pro Electione etiam Palatini clementer indicere, ac ante adhuc auspicatissimam Coronationem suam, sine eò certos è medio Fidelium suorum Baronum, & Magnatum, cum Natalium splendore, tum virtutibus

bus propriis conspicuos Candidatos nominare, Electionique præfatorum Statuum, & Ordinum benignè proponere sit dignata: E quorum Numero Excellentissimus, ac Illustrissimus Dominus Comes Joannes Pálffy ab Erdöd, Perpetuus in Vörös-kő, Bajmocz, Szent-György, & Bazin, Aurei Velleris Eques, prius Judex Curiae, Regiae, Sacrae Regiae Majestatis Actualis Intimus Consiliarius, Generalis Campi Marefchallus, Unius Legionis Cataphractorum Tribunus, Arcis Regiae Posoniensis Hæreditarius Supremus Capitaneus, ejusdémque Nominis Comitatus Perpetuus Supremus Comes, & Supremus Armorum Regionum per Hungariam Præfectus; tam ob Gentilitium, & præsignem Vetustæ, celeberrimæ, clarissimæque Prosapiæ suæ, Sagō, Togæque partum decorem, quàm propria, eaque cumulatissima de Rege, & Regno Merita, memorandis exemplis Augustæ Domui Austriacæ, & quatuor jam ex eadem Regibus illibatè semper probatam fidelitatem, raram, atque insignem diversis, pluribúsque Occasionibus egregiè testatam Virtutem, & scientiam

tiam Militarem, præclaras deniquè, & heroicas animi, corporisque dotes, ad Supremum Regni, post Regiam Majestatem, Palatinalis videlicet Dignitatis Honorem, communi, concordique Consensu sublimari meruit. Cui Domino Comiti Palatino, Veterano Augustæ Domûs Suæ, Avi quippè, Patruï, & Patris, gloriosissimorum magnæ memoriæ Imperatorum, & Regum, jam verò suo fidei Servo, quòd Sua Regia Majestas de salario quoquè Palatinali clementissimè provisura sit, Status, & Ordines Regni indubiè confidunt.

*De Electione Conservatorum
Sacræ Regni Coronæ.*

ARTICULUS VI.

PRioribus Sacræ Regni Coronæ Conservatoribus, utpotè Comitibus : Adamo à Kolonicz, & Thoma de Nádasd, imò & posteriori horum per benignam Provisionem Regiam suffectò, Comite Carolò Zichy de Váson-kò, è vivis sublatis, Status, & Ordines Regni Excellentissimum, ac Illustrissimum Dominum

Comitem Georgium Erdödy de Monyorókerék, Montis Claudii, & Comitatus Varasdinensis Perpetuum, Barsienfis verò Comitatus Supremum Comitem, Arcis Varasdinensis Hæreditarium Capitaneum, Sacræ Regiæ Majestatis Actualem Intimum, & Regii Locumtenentialis Consilii Consiliarium, ac Camerae Ejusdem Hungariæ Præsidem, à decessu antelati Comitis Adami à Kolonicz ex benigna Provisione Regia eodem Officiò actualiter functum, veluti in se, Antenatisque suis de Rege, & Regno præclare meritum; Excellentissimum item, ac Illustrissimum Dominum Comitem Joannem Eszterházy de Galantha, prælibatæ Regiæ Majestatis Actualem æquè Intimum, ac Regii Locumtenentialis Consilii Consiliarium, Meritis pariter ejusdem, Majorumque suorum ità exigentibus, erga præviam summefatæ Regiæ Majestatis Candidationem, ante Coronationem Suam benignè propositam, in Conservatores Sacræ Coronæ unanimibus Votis elegerunt; Qui Juramentum etiam superindè coram Altesata Regia Majestate, & Statibus, ac Ordinibus Regni

gni deposuerunt. Hæredes proinde, & Successores suprafactorum, fatis, ut præmissum est, factorum Conservatorum, super Resignatione Clavium ad Coronam eandem spectantium, quieti, & absoluti redduntur.

De Personali Regiæ Majestatis in Regno Residentia.

ARTICULUS VII.

PRouti ardens Statuum, & Ordinum Regni desiderium, ut nimirum Sacra Regia Majestas in hoc Regno Suo Personaliter residere dignetur, Eadem benignissimè percepit, ità Eidem pari benignitate satisfacere volens, clementer decrevit, quòd, ubi aliarum quoquè Provinciarum suarum Administratio, & Curæ admiserint, omninò intra Regnum hoc, ulterius etiam residere dignabitur, nihil eorum intermissura, quæ aliàs etiam ad reducendum pristinum florem, ac felicitatem hujus Hæreditarii sui Hungariæ Regni conferre poterunt: Pro qua quidem, Materno non minùs, quàm Regio affectu expressa Clementissima declara-

claratione, Status, & Ordines Regni Suae Regiæ Majestati maximas, quas possunt, gratias reponunt.

De Clausula Diplomatis :

Prout super eorum usu, & intellectu Regio, ac communi Statuum Consensu Diætaliter conventum fuerit; *ad fundamentalia Jura, Libertates, Immunitates, & Prærogativas Statuum, & Ordinum Regni nullatenus extendenda.*

ARTICULUS VIII.

ERga benignam Sacræ Regiæ Majestatis Declarationem Sancitum est; fundamentalia Jura, Libertates, Immunitates, & Prærogativas Statuum, & Ordinum Regni Hungariæ, Partiûmque eidem annexarum, signanter in Titt. 9^{no} Part. 1^{mæ} Operis Decr. Tripart. & Art. 6^{to} Anni 1723. velut in perpetuum ab omni Contributione ipsos eximentibus, adeoque eatenus etiam, nè

Onus

Onus publicum Fundo quoquô modô inhæreat, eosdem immunitantibus, ac avitô quoquè usu firmatis, expressas, cum alioquin etiam per Art. 3. An. 1715. super eo, quòd ad normam aliarum Provinciæ non gubernabuntur, præcauti, & affecurati existant, sub sensum Diplomati insertæ, de Usu, & intellectu Legum sonantis Clausulæ, nulatenùs sumi posse.

De Officio Palatinali.

ARTICULUS IX.

DEmissæ Statuum, & Ordinum Regni, Repræsentationi, annuente Sacrà Regiâ Majestæte, statutum est: Quòd Palatinalè, &, ei Lege junctum Locumtenentiale Officium, quoties impofterùm vacaverit, ultra annum vacare non sinetur, Idémque in plenam, & Legalem Authoritatem, atque Jurisdictionem repositum, in eadem conservabitur; quâ quidem Legali Jurisdictione tam modernus, quàm futuri Regni Palatini plenè fungantur.

*De Primatiali, & Archi-
Episcopali Dignitate.*

ARTICULUS X.

SEcueros reddidit perquàm benignè Status, & Ordines Regni Sua Majestas Regia in eo quoquè, quòd videlicet Primatiali etiam, ac Archi-Episcopali Dignitate in Legalem, & plenam Authoritatem, atque Jurisdictionem repositâ, eum in finem duplex etiam Sigillum Suum Regium, moderno Domino Primati, & Archi-Episcopo Strigonienfi consignari, Eumque in avitum, ac Legalem ejusdem usum restitui faciet, ac tam hunc, quàm futuros Dominos Regni Primates, & Archi-Episcopos Strigonienfes in Usu eodem, & Activitate Legali conservabit.

De Rebus, & Negotiis Hungaricis per Hungaros tractandis.

ARTICULUS XI.

DEvotissimis animis exceperunt Status, & Ordines benignissimam Sacrae

cræ Regiæ Majestatis Declarationem ,
 quâ mediante clementer exposuit, se
 eô singulari affectu, & propensione erga
 Gentem Hungaram ferri, ut nè dubitari
 quidem possit, quin eam non modò cum
 reliquis in pari decore , honore, & exi-
 stimatione conservare, sed & aliàs Regiam
 Benignitatem , Maternumque affectum
 suum in promovendum Regni quoque
 hujus incrementum, & emolumentum
 dirigere dignabitur. Quæ insimul id quo-
 què clementer resolvit, quòd nimirum
 Res, & Negotia Regni tam intra, quàm
 extra Regnum per Hungaros tractabit,
 tractarique faciet. Ac proinde in Au-
 gusta quoque Aula sua , in his, quæ à
 concessa Sibi Suprema Potestate depen-
 dent, pro altissimo Judicio , Regiòque
 Munere suo, fidelium Consiliariorum
 suorum Hungarorum operâ, & Consiliis
 utetur, imò dum magis ardua ne-
 gotia pertractanda occurrerint, Regni
 Primatem , & Palatinum, aliòsque è
 Regni Proceribus, ac Regnorum etiam
 Dalmatiæ , Croatiæ , & Sclavoniæ Ba-
 num , dum præsertim de Rebus, Secu-
 ritatèque eorundem Regnorum agen-
 dum

dum foret, in Augustam Suam Præsentiam advocari curabit, talismodique Negotia cum illis conferet: Et ad ipsum etiam Statûs Ministerium Nationem Hungaram adhibere dignabitur. Intra Regnum verò Politica quævis, & publicum ejusdem Regni Statum concernentia Negotia stabilita per Leges Regni modalitate, mediô Regii Locumtenentialis Consilii in ea, quam Artic. 101. Anni 1723. continet Activitate, ac Independentia utiquè conservandi, exposit quoquè ritè pertractari faciet; In secuturis autem Vacantiarum Casibus, ad idem Regium Locumtenentiale Consilium, ex omnibus Regni Partibus Viros idoneos, Rerum, ac Constitutionis Regni gnaros, Possessionatos Hungaros assumet.

*De Jurisdictione Taverni-
corum Regalium Magistri.*

A R T I C U L U S X I I .

DEmissè propositum Sacræ Regiæ Majestati quoad Causas circa Fodinalia ad Judicium Montanisticum pertinenten-

titentes, per viam Appellationis ad Sedem Tavernicalem transmittendas, admittendam item in Domo Monetaria Budensi, dum ea erigetur, Officio Tavernicorum Regalium Magistri Functionem, Statuum, & Ordinum Regni Postulatum post Conclufam etiam Diætam perpendet benignè Altesata Sua Regia Majestas, dictumque Officium in eam, quæ ipsi competit, Activitatem, & Jurisdictionem reponi faciet.

De Regia Cancellaria Hungarico-Aulica.

ARTICULUS XIII.

Veluti Suprema Regiæ Majestatis Auctoritas, & Dignitas non admitteret, ut benignæ ejusdem Resolutiones per Regiam Cancellariam Hungarico-Aulicam expeditæ, per alias Jurisdictiones turbentur, aut ab effectu impediuntur, ità etiam clementer declaravit Altesata Sua Regia Majestas, se idipsum fieri non permissuram, prædictæque Regiæ Hungarico-Aulicæ Cancellariæ Sux, tanquam

quam immediato Aulico , cum aliis unius, ejusdémque Principis Dicasteriis immediatis , Correspondentiam duntaxat æqualem habenti, Dicasterio Suo Regio impofterùm etiam, pro supremo Munere, altissimóque Judicio suo, de aptis, & idoneis Subjectis, ex omnibus Regni Partibus , & è Possessionatis Hungaris provisuram, ac in emerfuris Vacantiarum Casibus , etiam Venerabilis Cleri benignam Reflexionem habituram.

De Camera Regia Hungarica.

ARTICULUS XIV.

SAcra Regiâ Majestate benignè resolvēte conclusum est : Ut Camera Regia Hungarica in Activitate vigore Legum Patriarum eidem competente, plenè, & omninò conservetur, ac in uberiores à Camera Aulica independentiæ demonstrationem, super Negotiis apud Eandem pertractatis, Repræsentationes suas Regiæ Majestati immediatè inscribat, sicque expeditas Majestati Regiæ submittat, ac desuper Regia
dun-

duntaxat Rescripta ex Aula recipiat. Ut porro omnia illa, quæ Regium in Hungaria, & Partibus eidem annexis Ærarium respiciunt, ac per consequens etiam Res Salis, ac Montanisticæ eidem Regiæ Cameræ Suæ Hungariæ, cui Provisoratus Szegedinensis stante hac Diætâ jam subjectus est, subordinentur.

De Beneficiorum, Dignitatum, & Officiorum tam Ecclesiasticorum, quàm Sæcularium Collatione.

ARTICULUS XV.

ANnuir clementer Sacra Regia Majestas demisso Statuum, & Ordinum Regni, Partiûmque eidem annexarum Petito, atquè benignè resolvit, quòd juxta Dictamen Legum Regni, quævis Beneficia, Dignitates, & Officia Ecclesiastica æquè, ac Sæcularia de Rege, & Regno benemeritis Hungaris conferet.

*De Prælatorum, aliorumque
Beneficiatorum in Diœcesibus,
Beneficiis que suis Residentia,
& Canoniatuum Collatione.*

ARTICULUS XVI.

Approbante salutarem hanc Statuum,
& Ordinum Provisionem Sacrà
Regiâ Majestate, ultrò quoquè sta-
tuitur: Ut Prælati, aliique Beneficiati,
publicis Regis, vel Regni, aut aliis
gravibus Ecclesiæ necessitatibus non
præpediti, in suis Diœcesibus, & Be-
nificiis resideant, ad id etiam retentio-
ne Proventuum Beneficii, quod tenent,
& quidem per Regiam Majestatem, quâ
Summum Ecclesiarum Patronum, simi-
litudine etiam Articuli 71. Anni 1723.
adstringendi; Justum porrò agnoscit
esse Altesata etiam Regia Majestas, ut
ad Canoniciatus pariter nonnisi apti,
ac idonei, Juriùmque, & Consuetudi-
num Regni, & Linguae Patriæ gnari
Hungari assumantur.

De

De Extraneis Beneficia Ecclesiastica in Regno actu tenentibus.

ARTICULUS XVII.

Articulo 26. Anni 1687. conforme esse agnoscit etiam Sacra Regia Majestas, ut Ecclesiastici Extranei, Beneficia in Regno actu tenentes, & nondum inarticulati, ad persolvendam Regno obvenientem Taxam adstringantur, ac proinde determinatum est, ut Beneficia Majora actu possidentes Episcopi, Præpositi, Abbates, uti & Custos Albenſis, in supra fato Articulo denotatam Mille Aureorum Taxam ex integro; illi verò, qui Præposituras, Abbacias minorum Reddituum, vel Canonicatus tenerent (relaxatâ eisdem ex Statuum, & Ordinum benevolentia residuâ parte) ducentos Aureos ad Cassam numerare, & deponere sint obligati: Ac, ut Constitutio præſens, effectum quoque suum quocitiùs consequatur, atque alii etiam ad deponendam Indigenatûs Taxam obſtricti, præſtanda præſtent,

stent, Regio Locumtenentiali Consilio, quod alioquin ad promovendam, procurandamque Regni Legum effectuationem, ex vi Artic. 102. Anni 1723. obligatum esset, Exactionis præmissorum cura incumbet.

De Transylvania, Reapplicatione item, & Reincorporatione Comitatum, Districtuum, & Locorum ad Regnum Hungariæ spectantium.

ARTICULUS XVIII.

Publicis etiam Constitutionibus Regni inferendum resolvit benignè Sacra Regia Majestas; Quòd Transylvaniam, veluti ad Sacram Regni Hungariæ Coronam pertinentem, tam Eadem, quàm Successores Sui, quàm Reges Hungariæ possidebunt, & gubernabunt: Quòd item Comitatus Krasznnensem, Mediocris Szolnok, & Districtum Kóvár, tanquàm ad Regnum Hungariæ spectantes, tam videlicet in Contributionalibus, quàm in Politicis, & Juridicis ex integro; Comita-

mitatum autem Zarandiensem jam aliquin in Contributionalibus subiectum, etiam quoad Politica, & Judicialia, primò, quò fieri poterit, tempore, ac desuper auditis etiam Transylvanis, Jurisdictioni Regni istius reddi, & restitui, ac integraliter, effectivéque Regno reincorporari curabit. Ut porro Loca etiam Militaria dicta, in Bacsiensi, Bodrogiensi, Csongradiensi, Aradiensi, Csanadiensi, & Zaradiensi Comitatibus sita, Jurisdictioni Regni, & Comitatum restituantur, & subjiciantur; atque Districtus Tömössienfis, Sirmienfis, & Inferioris Sclavoniæ, utprimùm Res in magis tranquillum statum repositæ fuerint, Regno pari modò reincorporentur, & ejusdem Jurisdictioni submittantur: Commissarii eum in finem per Sacram Regiam Majestatem ordinabuntur, & ex parte Regni istius, Commissarios pariter Dominus Comes Palatinus nominabit, ex parte verò Sclavoniæ Dominus Regnorum Dalmatiæ, Croatiæ, & Sclavoniæ Banus cum Statibus, & Ordinibus eorundem Regnorum. Qui in præattactis Tömössienfi, Sirmienfi, & Inferioris Sclavoniæ

D Distri-

Districibus, necnon aliis Partibus finitimis, Terrenum pro regulandis Confiniis aptum, & sufficiens delignabunt, Confinariisque ad habitandum, & obeundam ibi Munia ita assignabunt, ut in finibus non permixti aliis Contribuentibus, subsistant, atque Terrenum hoc, modalitate præviâ excisum, & assignatum, residuum Jurisdictioni Comitatum in omnibus de pleno subicient, Suâque Regia Majestas Comitatus Regni in Partibus illis sitis Supremos Comites præficere dignabitur.

De Literarum Donationum, & Armarum Expeditione.

ARTICULUS XIX.

Accedente benignâ Sacræ Regiæ Majestatis annuentiâ sancitum est: Ut Articulus 122. Anni 1647. quoad hætenus expeditas Donationes hîc loci renovatum, à modò imposterum, quemadmodum quælibet Donationales, ita Armiales Nobilitares Literæ, pro benemeritis, ac Virtuosis Patriæ Filiis elargiendæ,
anti-

antiquò Legali Stylò , Normáque ab antiquo consuetâ, per Regiam Cancellariam Hungarico-Aulicam expédiantur. Novæ item Donationis ad mentem Titt. 37. Part. 1. & 77. Part. 2. Oper. Decreti Tripart. absque influxu, & Concurfu Camerali concedantur : Licitatio autem Bonorum Fiscalium perpriùs in hoc Regno haud consueta, ex benigno pariter Suae Majestatis assensu tollitur.

*De Negotio Communicationis Donationum Palatinalium
Articulo 33. Anni 1715. præscriptæ.*

ARTICULUS XX.

IN uberiolem Regiæ Benignitatis Suae Demonstrationem, Sacra Regia Majestas demissæ Statuum, & Ordinum Regni Instantiæ perbenignè annuit, & clementissimè resolvit: Ut quamvis Dominus Regni Palatinus, & simul Locumtenens Regius, ad Communicationem quarumlibet super Jure Regio Collationaliu*m* Artic. 33. Anni 1715. expressam,

ulteriùs quoquè tenebitur, omiffa nihilominùs quocunque demùm modò eòdem Articulò præfcripta Communicatio Juribus Donatariorum obefle, Donationesque talismodi fivè vitiare, fivè tollere nullatenùs poffit : finali igitur antelati Articuli Paragrapho , hâc ratione modificatò , in reliquo Vigor ejusdem Legis in falvo relinquitur.

*De Sublatione Commissionis
Neo-aquifticæ.*

A R T I C U L U S XXI.

INterceffionis, & demiffi Statuum, & Ordinum Regni Petiti clementiffimâ ratione habitâ , atquè ex Materna pietate, ac Benignitate Sua Regia , Sacra Regia Majestas Univerfos , & quosvis Processus Nomine Fisci Regii argumentò Articulorum 10. Anni 1715. & 19. Anni 1723. fufcitatos, & adhuc fub Litis pendentia exiftentes , de pleno tollere dignata eft , tam eidem Fisco Suo Regio , quàm & privatis Caufantibus refpectu etiam Bonorum in Partibus
Neo-

Neo-aquisticis sitorum, Ordinariâ duntaxat Juris Viâ deinceps admittâ, ac eâ declaratione interpositâ, quòd nimirum Causæ illæ, quæ respectu Bonorum in dictis Partibus Neo-aquisticis existentium, sive per amicas Compositiones, sive Judicarias Decisiones finaliter ad præsens terminatæ fuissent, eæ pro taliter terminatis quidem reputari, interventæ nihilominus eatenus sive Transactiones, sive Judiciariæ Decisiones salvò omninò Jure Tertii, intelligi debeant. Quæ autem ad Regiam Majestatem provocatæ, nondum tamen decisæ essent, verum sub Provocatione penderent, illas Sacra Regia Majestas sibi proximè referri faciet, ac pro justo, & æquo clementer etiam determinabit : Ac tam in his à Provocatione, ut præmissum est, pendentibus, quàm aliis quibusvis Judicialiter decisis Causis, Novum cum Gratia pro supplicantibus in particulari, semet eatenus perdemissè influaturis, clementer resolvere, & elargiri dignabitur, Ordinariâ Juris Viâ prosequendum.

*De Articuli 8. Anni 1715.
quoad Concursum inibi denota-
tum Declaratione.*

ARTICULUS XXII.

Articulus 8. Anni 1715. erga beni-
gnum Sacrae Regiae Majestatis as-
sensum taliter declaratur: Ut nempe in
nullo alio Casu, quàm ubi vel inopina
hostilis in Regnum Hungariae irruptio,
vel flagrantis directe Regnum hoc tan-
gentis Belli ratio, ordinarium Diæta-
lem Concursum impediret, præspecifi-
catô Articulô denotatus Regni Concur-
sus locum habeat.

*De Fiscii Regii in procedendo,
& Juri stando Obligatione.*

ARTICULUS XXIII.

Desiderium Statuum, & Ordinum
Regni applacidante clementer Sa-
crâ Regiâ Majestate, statutum est: Ut
Fiscus ejusdem Regius, conformiter
etiam ad Artic. 51. Anni 1723. in Causis
seu

feu per eundem activè, feu contra illum passivè movendis, pro Qualitate Causarum coram iisdem Judicibus, & Foris, quorum nempe Judicatu Causæ ex Natura sua de Lege competerent, & procedere, & Juri stare teneatur.

*De Regio Septem-Virali
Judicio Quatuor Assessoribus
augendo.*

ARTICULUS XXIV.

PRO eo, quo Sacra Regia Majestas in Administrationem Juris, & Justitiæ omni cum exactitudine, & sublata quâvis remora, quò celerius promovendam, fertur zelo, ad demissam Statuum, & Ordinum Regni Instantiam clementer resolvit, quòd Numerum Assessorum Regii Septem-Viralis Judicii in Artic. 24. Anni 1723. denotatorum, quatuor adhuc Personis, & unâ quidem ex Statu Prælatorum, alterâ è Statu Magnatum, duabus verò ex Statu Nobilium augere, & tam in hoc, quàm aliis Regni Tribunalibus, & Dicasteriis

Subjectorum ex omnibus Regni Circulis accommodationem imposterum quoque, & quidem tantò firmiùs observare dignabitur.

De observanda per Loca Credibilia quoad Communicationem Actorum, in Archivis eorum existentium, modalitate.

ARTICULUS XXV.

CENSUERUNT ex benignissimo assensu Regio disponendum, & statuendum ulterius Status, & Ordines Regni: Ut in Capitulis, & Conventibus pro Laicis Credibilibus in Regno hocce habitis, idoneis semper, & sufficientibus Capitularibus, ac respectivè Conventualibus Personis probatæ ad hæc fidei, & peritis, Juramentoque adstrictis, condignè salarificatis Notariis providendis, Acta Archivorum non secùs, quàm pro sola Expeditione, & erga secuturam immediate post peractam Expeditionem, eorundem Repositionem, Notariis ad hospitia eorundem dentur; aliis verò quibusvis

busvis sive in hospitio Notarii, sive alibi, non aliter, quàm in præsentia duorum Capitularium, aut respectivè Conventualium volvenda, investigandaque communicentur.

*De Accusatore, & Delatore
in Crimine Læsæ Majestatis.*

ARTICULUS XXVI.

AD refrenandam iniquorum Delatorum, & Accusatorum Malitiam, ponendamque innocuis Patriæ Civibus securitatem, ex benigna Sacræ Regiæ Majestatis annuentia provisum esse voverunt Status, & Ordines Regni: Ut nimirum, ubi Actio Fiscii Regii vi Art. 7. Anni 1715. Præsidi delegati in Causa Judicii, pro Terminò præfigendo, Reoque citando exhibebitur, eidem Nomen etiam, & Cognomen Delatoris, seu Accusatoris, si quis existat, significetur, quatenus, & quoad hunc, Delegatum in Causa Judicium Dispositioni præcitatæ Legis semet accommodare sciat, noveritque.

*De facilitanda Eorum, quæ
in Regno producuntur, & pro-
creantur, Educatione.*

ARTICULUS XXVII.

Articulis 75. Anni 1715. & 78. Anni 1723. hîc Loci renovatis, in ordine ad facilitandam Eorum, quæ in Regno Hungariæ, Partibûsque eidem annexis producuntur, & procreantur, in vicinas Provincias Hæreditarias, & per eas in exteras quoquè Ditiones Educationem, & tam Terrâ, quàm Aquâ Evectionem, Sacra Regia Majestas cum Statibus, & Ordinibus dictarum Hæreditariarum Provinciarum suarum, quos nimirum Res ex altera parte tangit, tam videlicet quoad Vectigalium, & Teloniorum in illis ad præsens desumi solitorum Diminutionem, quàm etiam liberiolem ejusmodi Productorum in eas admissionem, finitâ mox Diætâ semet clementer acturam, & eatenus quoque Maternum erga Regnum hoc affectum suum testaturam esse benignissimè resolvit; admisso clementer nunc statim eò, ut quem.

quemadmodum usque ad Annum proximè præteritum observatum fuit, ita imposterum etiam Boves in Austriam Interiorem, & per hanc in Ditionem Venetam liberè pellantur. Pacatis porro temporibus modernis, nullam fore difficultatem in admittenda iterum etiam Augustam Vindelicorum, Norimbergam, & ad alia Romani Imperii Loca libera Boum pulsione.

De Tributo Teloniali nonnisi à Jumentis, & Currubus, in Regno exigendo, moderandis item vicinarum Provinciarum etiam quoad Merces per Quæstores induci solitas, Vestigalibus, & Teloniis.

ARTICULUS XXVIII.

SACRâ quoque Regiâ Majestate, id justum esse agnoscente, statutum est: Ut Telonia in Regno Hungariæ, & Partibus eidem annexis, nonnisi à Jumentis, & Currubus, non autem ab ipsis Mercibus

bus defumantur, ac Cives etiam Libera-
rum, & Regiarum Civitatum fidedignis
Passualibus Literis proviti, & alii Lege,
aut Privilegiis exempti, nullibi Loco-
rum ad solvendum Telonium adstringan-
tur; Quæ summefata Sua Regia Maje-
stas quoad moderanda etiam ab indu-
cendis per Quæstores Mercibus vicina-
rum Provinciarum Tributa, & Telonia,
cum iisdem semet acturam benignissi-
mè resolvit.

*De Quæstu Græcorum ,
Armenorum, & Rascianorum.*

ARTICULUS XXIX.

Vini Quæstu in Partibus præsertim
Regni Superioribus, quibusvis
Græcis, Armenis, & Judæis, ad evi-
tandas, quæ Annis præterlapsis hac in
parte evenerunt, fraudes, & Vinorum
adulterationes, sub Poena Confiscationis
per Comitatus, & Civitates peragendæ
inhibitô; in reliquo prouti iidem Græci,
Armeni, & Rasciani, qui Turcico Do-
minatui nullatenus subjecti essent, ve-
rùm

rùm cum Uxoribus, & Familiis suis Domicilia in Hungaria habentes, in una, aut altera Liberarum, & Regiarum Civitatum Jure Concivilitatis gauderent; aut in Bonis Dominorum terrestrium, residerent, ad instar aliorum Civium, & Regni Incolarum, inter alia, liberi etiam Quæstus ritè, ac debitè exercendi beneficiò privari nequirent; ità vicissim æquitati, & recto Ordini congruum est, ut tales, qui Portæ Ottomannicæ quoquâ modô subiecti sunt, ab omni alio, quàm quem conclusus cum Turcis Commerciorum Tractatus iisdem admitteret, Quæstu, omninò arceantur.

*De tollendis Excessibus, & quibusvis Exactionibus per Commendantes Fortalitiorum practi-
cari hætenùs consuetis.*

ARTICULUS XXX.

BENIGNÈ resolvit, erga demissam Statuum, & Ordinum Regni Remonstracionem, Sacra Regia Majestas, ut Commendantes Fortalitiorum, eorùm-
que

que Subalterni, Prætorésque Militares, vulgò Schultetii, Jaurini, & alibi existentes, in Res, & Personas non Militares, verùm Politicas, Provinciales, & Civiles, suas Instantias habentes, nihil sibi vendicent, minùs viâ Facti contra easdem quidquam attentent: Ut porrò ad Judicia, & Jurisdictionalia Magistratum Comitatenfium, Civitatenfium, Dominorum Terreſtrium, & aliorum Negotia ſemet immittere, Viàmque Juris turbare, Cives, aliorumque Locorum Incolas ad excipien-
das ab illis Paſſuales Literas adſtringere, vel pro iisdem ſolutionem quampiam exigere, ac ſivè occasione Nundinarum, ſivè aliò quocunque tempore, tam in Aquarum defluxu, quàm alibi Exaétiones quaspian facere nullatenùs auſint, ac in caſu Contraventionis, præmiſſâ, ſi circa factum, dubium quodpiam ſubſit, ſeriâ investigatione, præter incompetenter exactorum condignam reſuſionem, exemplarem quoque animadverſionem ſubituri.

De Generali Postarum Magistro, & Literis, quæ ex Officio scribentur, sinè Taxa in Officiis Postarum accipiendis, & extradandis.

ARTICULUS XXXI.

Benignè annuente Sacrà Regiâ Majestate conclusum est: Ut modernus Supremus, & Generalis Postarum Magister, ac futuri, semet Tenori Artic. 22. Anni 1715. exactè accommodent. Ex speciali cæterùm Gratia, & Benignitate Sua Regia resolvit clementer Alfata Regia Majestas id quoquè, ut in futurum quibusvis Tribunalibus, Dicasteriis, Comitatibus, & Civitatibus ex Officio, ac è converso abinde ad quasvis Instantias sub Sigillis publicis æquè ex Officio scriptæ Literæ sinè Taxa in Officiis Postalibus extradantur, & acceptentur: Quæ Benigna Dispositio etiam ad Regna Dalmatiæ, Croatiæ, & Sclavoniæ extenditur.

*De Cursu Monetæ Gröschl
dictæ, & Cusione minoris
Monetæ.*

ARTICULUS XXXII.

UT Moneta Marchionatûs Moraviæ Gröschl dicta, eum, quem in modofata Provincia habet, Cursum, etiam in Regno Hungariæ obtineat, ac apud Cassas etiam Bellicas acceptetur, æquum, & conveniens censerî: Usitatam porrò in Regno hoc Grossorum, Polturarum, & Denariorum minutio-rem Monetam in ea, quæ necessaria adhuc videbitur; quantitate, cudendam, Sua RegiaMajestâs clementer committet.

*De Provincia Religiosorum
Societatis JESU; alternativa
item in Provincia MARIANA
Ordinis Minorum Reformato-
rum, ac Conventu Wimpaf-
singensi.*

ARTICULUS XXXIII.

Circa dividendam Provinciam Reli-
gioso-

gioforum Societatis JESU, tollendam item in MARIANA Ordinis Minorum S. FRANCISCI Reformatorum Provincia Alternationem, ac incorporandum Provinciæ Hungariæ Ordinis Minorum Conventualium Conventum Wimpassingensem, Sua Regia Majestas Superiores dictorum Religioforum Ordinum semet benignè audituram, ac sic demùm ulteriorem eatenus Dispositionem facturam, clementer resolvit: Sperant igitur Status, & Ordines Regni de Benignitate Regia demissi in præmissis Postulati sui, cupitum effectum.

De Negotio Salis, & Depositorio ejusdem in Comitatu Nittriensi erigendo.

ARTICULUS XXXIV.

Quòd Sacra Regia Majestas erga demissam Statuum, & Ordinum Regni Instantiam, in singulo tam Lapidei, quàm costæ Salis Centenario, Quindecim Cruciferos ex ingenita sibi Benignitate relaxare; erigendum item in Gremio Comitatus

E

mitatus

mitatûs Nittrienſis ad fluvium Vagum Salis Depositorium clementer ordinare dignata ſit, Iidem Status, & Ordines humillimas Suæ Majeſtati gratias reponunt. Quæ benignè reſolvit id quoque: Ut Vectoribus Salis competens ſtipendium præſtetur, & nequè Incolæ ad vehendum Salem Executione mediante compellantur. Supplicant cæterùm antelati Status, & Ordines Regni Suæ Regiæ Majeſtati perquàm demiffè, ut Pretium Salis tam in Orificiis, quàm Depositoriis quibuſvis obſervandum, pro Notitia omnium publicetur.

De adimplenda per Oppidanos Jaurinenſes, quam Capitulo Jaurinenſi debent, Obligatione.

ARTICULUS XXXV.

Juſtum eſt, ut Oppidani Jaurinenſes ea, quæ Judicialiter determinata, & ſucceſſivè per initum quoque Contractum ſtabilita extiterunt, effectivè quoque, ac eo uſque, donec in talismodi ſtatu

statu perstiterint , præstare debeant ;
 Sacra proinde Regia Majestas , vi Beni-
 gnissimæ Resolutionis Sux clementer di-
 sponet, nè in desumendis ejusmodi One-
 ribus , & Obligationibus, Jaurinensi Ca-
 pitulo Militares Instantiæ obicem po-
 nant.

De Oppidis Hajdonicalibus.

ARTICULUS XXXVI.

Negotium Oppidorum Hajdonicalium
 post conditum in Diæta Anni 1715.
 Articulum 95. in variis Commissionibus,
 & coram Regio Hungarico Locumtenen-
 tiali Consilio pertractatum, cùm stante
 hac Diætâ, in ordine ad petitam eorun-
 dem Comitatus Szabolcsensis Jurisdi-
 ctioni subjectionem, ob temporis angus-
 tiam decidi nequiverit, Sacra Regia Ma-
 jestas benignissimam petiti hujus ratio-
 nem in futura Diæta habere digna-
 bitur.

*De Regiis, Liberisque, ac
 Montanis Civitatibus, per Ca-
 merales*

*merales Jurisdictiones in Juris
Via haudquaquam turbandis.*

ARTICULUS XXXVII.

Quandoquidem à Sententiis Magistratum Liberarum, ac Regiarum, Montanarumque Civitatum Appellationis, & Revisionis Forum per Leges Regni constitutum haberetur, ideò Sacrà Regià Majestate clementer resolvante, sancitum est, nè Camerales Jurisdictiones ad Juridica præattactarum Civitatum Negotia semet immittant, ac Viam Juris ullatenus turbent.

De Personis Militaribus Fundos Civiles tenentibus.

ARTICULUS XXXVIII.

Æquum, justumque esse agnoscitur: Ut Militares Personæ, eorundemque Hæredes, Fundos Civiles tenentes, non solum intuitu hujusmodi Fundorum, sed etiam quoad Debita apud Cives contracta, potissimum Fundos Civiles respicientia, subsint Locorum Magistrati-

stratibus, ibidémque Judicium recipere teneantur. Ut prætereà Status Militaris, post mortem Personæ, ad Jurisdictionem Militarem spectantis, ad Occupationem Fundorum Civilium, eorúmque Distractiõnem semet immittere haudquaquam attentet.

*De Querimonia Budensis, Pestiensis, Cassoviensis, Strigonien-
sis, & Szegediensis Regiarum, ac
Liberarum Civitatum.*

ARTICULUS XXXIX.

Quô titulô in Regio Telonio Budensi, & à quibus Budensibus, & Pestiensibus Civibus per Legem Publicam à solvendis Teloniis exemptis, qualis Cautio desumpta sit? quid item sublit circa Prætensiones Civitatis Cassoviensis, & Reparationem Cassarmarum ibidem? necnon Insulam ad Strigonium sitam; pariter & quoad Civitatis Szegediensis Querimoniam, Sacra Regia Majestas, acceptâ fundatâ Informatione, conclusâ etiam Diætâ, id, quod rectum,

& justum esse cognoverit, prædeclaratis in passibus determinabit, & effectuari quoque benignè curabit.

*De remedendis Montanarum,
Liberarum, Regiarumque Civi-
tatum Gravaminibus.*

ARTICULUS XL.

Intuitu Gravaminum ex parte Montanarum, Liberarum, & Regiarum Civitatum contra Montanisticum Judicium, & Cameraticos Officiales in Montanis Civitatibus existentes, propositorum, per Sacram Regiam Majestatem clementer resolutum est: Quòd, cum Commissio, cujus Artic. 56. Anni 1715. meminit, quocunque demùm ex fundamento effectum ad præsens haudquaquam sit sortita, certos Commissarios suos, finitâ mox Diætâ, in medium dictarum Liberarum, & Regiarum Montanarum Civitatum suarum exmittet, cum interventu etiam Cameraticorum eatenus condepudandorum, super omnibus contra præfatos Cameraticos Querelis, ibidem in facie

cie Loci accuratam Investigationem, & Disquisitionem facturos, & parte utrâque auditâ, habitâ ad Articulum etiam 83^{tium} Anni 1647^{mi} in præallegato Articulo 56. Anni 1715. confirmatum, reflectione, qualiter pro exigentia Juris Patrii, ac Montanistici, universos præjudiciosos abusus, & Excessus tolli, bonumque, ac rectum Ordinem ibidem introduci posse censeant, genuinam, & fidem Relationem Sux Majestatis Regiæ benignæ Determinationi submissuros.

De Taxa Indigenatûs.

ARTICULUS XLI.

Cum benigna Sacræ Regiæ Majestatis annuentia statutum est: Ut ii, qui à modò imposterum in Indigenas per Regnum recepti fuerint, Taxam Duorum Millium Aureorum Ducatorum in publicas Regni Necessitates convertendorum, ad manus constituti eum in finem Perceptoris numerare debeant, aliis quoque Conditionibus per Articulum 26. Anni 1687. præscriptis satisfacere obligati.

De Commissariatu.

ARTICULUS XLII.

QUoad demissum Statuum, & Ordinum Regni, intuitu Regno concrendæ, & per Nationales Regnicolas administrandæ Contributionalis Cassæ Postulatum, clementer Sacra Regia Majestas resolvit: Quòd, siquidem præsentēs Rerum, & Belli Circumstantiæ non admitterent, ut modernum Systema, & Norma Commissariatûs Bellici quoad Cassam Contributionalem ex integro immutetur; ideò intereà etiam, & donec quoad prænominatam etiam Cassam, positis ad tranquillum statum Rebus, cum omnimoda Statuum, & Ordinum Regni Consolatione ulteriora disponi potuerint, Bellici Commissarii, & Cassæ Perceptores ex Hungaris quoquē assumantur, & constituentur, mediò quorum, conducendis, statuendisque Militibus Peditibus, veluti ad Fundum Contributionis Hungaricum assignatis, stipendia iisdem competentia solventur.

De

*De Negotio Pazmanianæ pro
Convictu Nobilium Tyrnaviensi
Foundationis.*

ARTICULUS XLIII.

Cum Consolatione intellexerunt Status, & Ordines Regni benignam Sacræ Regiæ Majestatis, Dominæ Dominæ eorum Clementissimæ Resolutionem, vi cuius, Summæ Quinque Millium Rhenensium Florenorum, juxta Foundationem Pazmanianam, pro Convictu Nobilium Tyrnaviensi, ex Proventu Piseti, secundum Literarum Foundationalium genuinum, Regiâ, & Pontificiâ autoritate roboratarum Tenorem, quotannis præstandæ, ibidem specificatos Bis Mille Florenos ex Regiis Redditibus suis annuè superaddendos clementer decrevit, ac id quoque benignè declaravit, quòd videlicet pro Regio Munere suo, circa ulteriorem dictæ Foundationis Administrationem, eam Provisionem sit institutura, quæ spectatô modernô Rerum cursu, pro meliore Nobilis Juventutis educatione, ac eruditione, adeoque publico Regni Bono, &

Emolumento utilis, & conveniens videbitur. Pro qua benigna Dispositione demississimas Summememoratae Regiæ Majestati referunt gratias.

De Fundatione Foglariana.

ARTICULUS XLIV.

Laudabili, & non grata tantummodò memoriâ, sed & imitatione dignissimò exemplò Illustrissimus, ac Reverendissimus Dominus Georgius Foglár, Electus Episcopus Serbiensis, Præpositus Albæi, Venerabilis Capituli Cathedralis Ecclesiæ Agriensis Lector, & Canonicus, ac Excellentissimi Illustrissimi, ac Reverendissimi Domini Comitis Gabrielis Antonii Erdödy de Monyorókerek, Episcopi Agriensis, &c. in Spiritualibus Vicarius, & Causarum Auditor Generalis, amore Boni publici, pro erudienda in Jure Patrio Nobili Juventute, Agriæ studium Juridicum, virtute Literarum suarum. Fundationalium, in Archivo præmemorati Capituli repositarum instituit; Et siquidem hujus Instituti

stituti ritè , ac debitè , atquè ad tenorem antelatarum Fundationalium administrandi curam Comitatus Hevesiensi, mentionato Capitulo Agriensi, & prælibato Domino Comiti Episcopo, ejusdè in hoc Episcopatu Successoribus concedidisset, supremam verò Directionem Curiae Regiae Sacrae Regiae Majestatis commendasset: Hinc ut & adeò proficua antelati Domini Episcopi Intentio, & Instituti istius, Curiae, ut præmissum est, Regiae, commendata suprema Directio jugi memoriâ teneatur, ac ex hinc debitum effectum eò magis fortiatur, Status, & Ordines Regni Negotium Foundationis præscriptæ in Publicis etiam Constitutionibus Regni commemorandum, & hac quoquè ratione ab omni, quam tractus, & vicissitudo temporum inducere consuevit, oblivione præservandum censuerunt.

*De Querelis contra nonnullos
rum Moraviae, ac Silesiae Locorum
Accolas, atquè Polonos
per Comitatus subinfertos, re-
præ-*

*præsentatis , ac terminandis
Differentiis Metalibus.*

ARTICULUS XLV.

TAm circa propositas per Comitatus Nittrienſem, & Trenchinienſem adverſus nonnullorum Moraviæ, ac Sileſiæ Locorum Accolas, Quereſas, quàm & quoad Exceſſus Polonorum, & reſpectivè Tredecim Oppidorum Scepuſienſium Inhabitatorum, per Comitatus Saároſſienſem, Scepuſienſem, & Maramaroſſienſem repræſentatos, Sacra Regia Majeſtas proviſuram ſemet benigniſſimè declaravit, ut læſis, injuriatis, & damnificatis debita ſatiſfactio procuretur, & præſtetur; pro futuro verò Jura bonæ Vicinitatis etiam ex parte Polonorum exactiùs obſerventur: Limitaneis porrò differentiis, quæ adhuc ibidem vigerent, revidendis, ac pro juſto, & æquo terminandis, ut primum Res in prænominatis Provinciis tranquillabuntur, manus protinus admoveantur.

De

*De una, eáque sola vera
Romano - Catholica Fide, in
Regnis Dalmatiæ, Croatiæ,
& Sclavoniæ ultrò conservanda.*

ARTICULUS. XLVI.

Singularem Suæ Sacræ Regiæ Majestatis in DEUM Optimum Maximum pietatem, & in perpetuò fideles suos Subditos, ex unius, & solius veræ in præfatis Dalmatiæ, Croatiæ, & Sclavoniæ Regnis Diplomaticè, & Articulanter stabilitæ, & nullâ penitus aliâ admittendâ, aut toleratâ servatæ, ipsoque Christi Domini Sanguine irrigatæ, & fundatæ, atquè per Apostolos, & Sanctos Ecclesiæ Patres traditæ Romano-Catholicæ Fidei, & Religionis unioni principalem, & summam conjunctionis animorum, atquè adeò intrinsecæ non tantum suæ, sed & vicinarum Suæ Sacræ Regiæ Majestatis Provinciarum Conservationem, & felicitatem, & hætenus expertos, & in futurum quoque indubie experturos verè Maternam Clementiam venerabundi agnoscunt Status, &
Ordi-

Ordines, dum erga unanimem Statuum, & Ordinum Regni Hungariæ, Partiûmque eidem annexarum Supplicationem, ad augendum verum DEI Cultum, & promovendam uberiores in dies ejusdem misericordiam, & benedictionem, clementissimè, atque sanctissimè annuere dignata est, ut Statuta eorundem Dalmatiæ, Croatiæ, & Sclavoniæ Regnorum in favorem, & conservationem Orthodoxæ Religionis condita, occasione hujus Diætæ confirmentur. Ex hac proinde Sacræ Regiæ Majestatis benignissima, æquè, ac piensissima Resolutione, sic, & unanimi Statuum, & Ordinum Consensu, & Votô, Statuta eadem confirmantur. Et veluti juxta Artic. 86. Anni 1723. in eodémque citatos, & hicce etiam confirmatos, dispositum jam esset, ut in Districtu eorundem Regnorum non alii, quàm Romano-Catholicam Religionem profitentes, Possessionis Bonorum sint capaces; ità Officiales Oeconomici Dominorum Terrestrium à Fide Orthodoxa alieni, in antelatis Regnis Administrationis quoquè Bonorum incapaces esse declarantur.

rantur. Quo verò ad Varasdinensem, & Carlostadiensem Generalatus semet facturam, benignissimè Sua Sacra Regia Majestas declaravit, nè inde quoquè dictæ Orthodoxæ Religioni quodpiam eveniat præjudicium. Metropolitæ porro Græci Ritûs non Unitorum, in Districtu præfatorum Regnorum, nulla utiquè in antelati Ritûs Clerum, & Populum admittetur Jurisdictio. Quod autem concernit Episcopi Szvidniczenfis cum Ecclesia Catholica Uniti, ex Monasterio Marschenfi exclusionem, aliósque contra Simeonem Philipovich insinuatōs Excessus, fundatè indagari curabit, superindèque condignam animadversionem, & prætereà damnificatis competentem reparationem decerni faciet Altesata Sua Regia Majestas; id etiam cura, ut quoadusque alii etiam Episcopi Græci Ritûs non Uniti ibidem perstiterint, ab omni Excessu, & Confusione sese continere debeant.

De Autoritate Banali.

ARTICULUS XLVII.

ANnuente benignè Suâ Sacrà Regiâ

giâ Majestâte, communi Statuum, & Ordinum Votô præfatorum Dalmatiæ, Croatia, & Sclavoniæ Regnorum Banus à modò imposterum, à potiori intra Lîmites Regni permansurus, in plenam, & Legalem Authoritatem, atquè Jurisdictionem juxta etiam Articulos 114. Anni 1715. & 87. An. 1723. hîc Loci confirmatos, reponendus, atquè in eadem conservandus statuitur.

De Exemptione ab Hybernis, Transenîs item, & Condescensionibus Militaribus Regnorum Dalmatiæ, Croatia, & Sclavoniæ.

ARTICULUS XLVIII.

QUOD Sua Sacra Regia Majestas varia tam Pacis, quàm & Bellorum temporibus perpetuâ, & nunquam contaminatâ fide, fidelitate, & devotione in propaganda & Armorum, & Sceptrorum Gloriosissimæ, Augustissimæque Domûs Suæ Austriacæ felicitate, semper & constanter per præfatorum Regnorum Status, & Ordines præstita Servitia clementissimè

tiffimè recognoscere, atque intuitu talium, fundamento etiam Benignissimi Diplomatis Leopoldini, eosdem extracatum summè urgentis Necessitatis, à supportandis Hybernis, Transenis item, & Condescensionibus Militaribus exemptos, & immunes semet relinquere, & conservare velle, benignissimè resolverit; in eo Altesatæ Suæ Regiæ Majestati præfatorum Regnorum Status, & Ordines, immortales summa animorum cum devotione referunt gratias.

*Articulus 113. Anni 1715.
& 88. An. 1723. de Varasdiensi,
& Carlostadiensi Generalatibus
confirmantur.*

ARTICULUS XLIX.

ERga benignum Sacræ Regiæ Majestatis Consensum, & annuentiam, Articuli 113. An. 1715. & 88. Anni 1723. ultro confirmantur; Et siquidem ordinatæ inibi Commissionis circa interven-tos Militarium in Varasdinensi, & Carlostadiensi Generalatibus existentium Excessus, debitum ad præsens effectum

F

haud

haud produxissent, eæ per Sacram Regiam Majestatem fient Dispositiones, ut Regnorum Dalmatiæ, Croatiae, & Sclavoniæ Banus cum illis, qui pro tenore citati Artic. 88. ad latus ejus denominabuntur, necnon Deputati præfatorum Generalatum, primò, quò fieri poterit, tempore confideant, atquè insinuatōs quosvis ibidem Excessus, pro justo, & æquo determinent; interea autem, & donec illa confederit, ac operari poterit, omnis facti Via sistetur, imò & recentius taliter occupata, Sacra Sua Regia Majestas restitui benignissimè demandabit.

De Reincorporatione Inferioris Sclavoniæ.

ARTICULUS L.

Illud, quod formalitate suprà in Articulo 18. denotata, ex inferiori Sclavonia Jurisdictioni Sacræ Regni Coronæ reincorporabitur; Jurisdictioni Regni, & Bani, clementer annuente Sacrâ Regiâ Majestate, juxta etiam Artic. 118. An. 1715. subordinabitur, ac unà quoquè Supremi

premi Comites (in quantum denominati non essent) per Suam Sacram Regiam Majestatem , pro tenore etiam superscripti Articuli 18. constituentur.

*De Appertinentiarum infra-
scriptarum Familiæ Erdödianæ
Restitutione , eidemque impen-
denda Satisfactione , & Disri-
ctûs Kuttinensis Jurisdictioni
Regni Reapplicatione.*

ARTICULUS LI.

Justum esse agnoscit Sacra Sua Regia Majestas , ut Familiæ Comitum Erdödy , pro Dictamine Artic. 113. Anni 1715. Dominii Montis Claudii Appertinentiæ eidem Familiæ per Cameram Au-licam resignatæ , per Commissionem supra Articulo 49. clementer resolutam , & ordinatam , aut eadem Commissione nefors dilatâ , & ex quocunque demùm motivo non procedente , per aliam eum in finem à Sacra Regia Majestate , pro conformitate Articuli 93. An 1723. clementer ordinandam , finitâ præsentis Diæ-

tâ, quantocyùs integraliter restituantur, atquè præmissæ Appertinentiæ, Districtus quippe Kuttina Jurisdictioni Regni, quoad ipsam quoquè Onerum publicorum tam ordinariorum, quàm extraordinariorum supportationem reapplicetur, atquè pro tenore citati Artic. 93. 1723. eâdem Commissione mediante, de illatis dictæ Familiæ per Confiniarios Criesenses, & Ivaniczenfes Damnis, Violentiis, Invasionibus, & Occupationibus, adæquata effectivè impendatur satisfactio.

De Bonis Zriniano; & Frangepano-Fiscalibus, per Cameram Græcensem, aliósque possessis.

ARTICULUS LI.

AD tollendas universas Regnum inter, & Cameram Græcensem, aliósque præscriptorum Bonorum Possessores hactenùs vigentes Differentias, justum esse agnoscente, per consequens clementer annuente Suâ Sacrà Regiâ Majestate, comuníque Statuum, & Ordinum Voto statuitur, ut Bona Zriniano, & Frangepano-Fisca-

Fiscalia Trans-Colapina, & Maritima per
 Cameram Græcensem, aliósque tenta,
 eorundémque Possessores, & Officiales,
 juxta etiam Præscriptum Articulor. 71.
 An. 1681. 44, An. 1715. & 94. An. 1723.
 (sicuti in aliis Fiscalibus Bonis) commu-
 nibus Legibus, Oneribus, & Jurisdictioni
 Regni imposterum subsint, & subesse de-
 beant.

*De Metarum inter vicinas
 Styriæ, & Carniolæ Provin-
 cias Rectificatione.*

ARTICULUS LIII.

QUANDOQUIDEM inter vicinarum Sty-
 riæ, & Carniolæ Provinciarum, &
 Regni Limites, multis retroactis annis vi-
 gentes, ob varia temporum impedimen-
 ta, per ordinatam Articularem Commissio-
 nem irrevisæ, & indecisæ etiamnum ma-
 nerent Controversiæ; Ideò Articuli 39.
 An. 1715. 17. 1723, quemadmodum &
 Artic. 116. An. 1715. quoad Rectificatio-
 nem specificatarum ibidem Metalium Dif-
 ferentiarum confirmantur, atquè in effe-
 ctum deducendi statuuntur: Et præterea

annuente benignè Suâ Sacrà Regiâ Majestate, Articulus 69. An. 1681. & in eodem citati, circa Decimas Distriktûs Metlickæ Capitulo Zagrabienfi restituendas iterum renovantur, & effectuandi decernuntur.

Subsidium pro Militia, aliisque publicis Regni Necessitatibus per Status, & Ordines Regnorum Dalmatiæ, Croatiae, & Sclavoniæ solvi consuetum, undè cum media Tricesima, & Auctione ordinatur.

ARTICULUS LIV.

QUoniam per notabilem in Confiniis stipendiatae Militiae Adauktionem, Banalisque, & Iudiciariae Tabularum Exolutionem longè majora, quàm anterioribus temporibus erant, Regnis illis, & miseræ Plebi præteritâ Bellorum occasione, variisque temporum injuriis, ad incitas propemodum redactæ accessissent, & imperpetuata haberentur onera; Hinc in oportuno talium supportandorum subfi-

subsidium, Summeſata Sua Regia Ma-
 ſtas Benignitatem, & Clementiam ſuam
 erga præfatorum Regnorum Status, &
 Ordines ulterius quoque conteſtatam
 reddere cupiens, benignè applacidavit,
 ut formalitate Articuli 75. An. 1681. præ-
 ter Auctionem Regno aliunde cedentem,
 Regnorum illorum Mediæ Triceſimæ, &
 Ordinariæ Contributionis Proventus, in
 Confiniorum, & Militis Confiniarii, alio-
 rumque publicorum, & Politicorum
 quoque onerum Exolutionem ulterius
 quoque convertantur; ita tamen, ut Re-
 giæ Suæ Maieſtati de Anno ad Annum
 notitia detur, in quos uſus, præſcripti
 Regium alias Ærarium reſpicientes Pro-
 ventus impenſi fuerint.

*De Pulſione Boum per Por-
 tum Bucari.*

ARTICULUS LV.

Admittit clementer Sua Sacra Regia
 Maieſtas, ut conformiter ad Arti-
 culum 117. Anni 1715. Boves per Por-
 tum Bucari liberè pellantur.

Civitas Segniensis in Integrum Jurium suorum restituitur, & intuitu Capituli Segniensis Articulus 57. Anni 1647. confirmatur.

ARTICULUS LVI.

ERga querulosam Liberæ, & Regiæ Civitatis Segniensis contra Officiales Militares de variis Injuriis, & in Oppressionem Jurium suorum attentatis Præjudiciis, ac Nunciorum suorum ad Diætam Regni Hungariæ, & præfatorum Regnorum Dalmatiæ, Croatiae, & Sclavoniæ Congregationes impedita Exmissione, & nec secùs Patritiorum, & Civium contra Privilegia ejusdem Civitatis per statum Militarem fieri cœpta Constitutione factam in hac quoquè Diæta Instantiam, clementer annuente Suâ Sacrà Regiâ Majestate, decernitur: Ut eadem Civitas universis Juribus, Libertatibus, & Immunitatibus suis per Divos olim Hungariæ Reges eidem concessis, & hicce confirmatis, adeoque hætenùs per statum Militarem illatis eidem præjudiciis hõc factõ subla-

sublatis, à modò, & impofterùm ſemper liberè, & abſque quopiam impedimento, tenore etiam Artic. 128. An. 1715. fruatur, & in iisdem ad inſtar aliarum Liberrarum, ac Regiarum Regni Hungariæ Civitatum Præſidiarium Militem habentium (particularibus duntaxat ſtipendiatis in Militaribus purè ſuam à Jurisdictione Militari dependentiam habituris) conſervetur. Ad quorum effectuationem, & ſtabilimentum ſeria benigna Mandata ad Bellicas Instantias ſemet clementer daturam reſolvit Sua Sacra Regia Majeſtas. Capitulo etiam Segnienſi admiſſâ eâ facultate, quam Articulus 57. Anni 1647. denotat.

*De Unione Superioris, &
Inferioris Civitatis Criſienſis.*

ARTICULUS LVII.

CRiſienſe ſuperiore Civitate, contra propositam ejusdem cum inferiore Civitate Criſienſe Unionem, Motiva Regiæ Suæ Majeſtati introporrigi faciente, cum & alioquin juxta Dictamen Artic. 95. An. 1723. Articulariter etiam denominati

Commissarii, cognitis utriusque Civitatis Juribus, ante effectuationem Unionis, diversa Partium Jura revidere, & an ejusmodi Unio absque Convulsione Jurium, & Privilegiorum unius, vel alterius ex prædictis Civitatibus fieri possit? cum Voto, & Opinione sua Regiæ Majestati mediò Regiæ Cancellariæ Hungarico-Aulicæ reportare debuissent, Altesata Sua Sacra Regia Majestas in Puncto prædeclaratæ Unionis pro, & contra occurrentia, & introporrecta Motiva, finitâ mox Diætâ sibi reportari curabit, superindèque benignam Regiam datura est Resolutionem.

*Articulus 31. Anni 1729. de
Transmissione Causarum ex Ta-
bula Banali ad Curiam Regiam,
modificatur.*

ARTICULUS LVIII.

Quantumvis præcitato Articulo 31. An. 1729. Causæ, quæ immediatè in Tabula Banali suscitantur, solis Activis Pauperum (Conditionem paupertatis sufficienti Documentò in Judicio edocere queuntium) necnon aliorum etiam Cau-
fis,

sis, acquisitionem florenorum Quingentorum non excedentibus, exceptis, intra Dominium semper transmittendæ ordinarerentur; annuente nihilominus clementer Suâ Sacrà Regiâ Majestate, decernitur, ut quævis Causæ ex Tabula Banali, in quibus eadem primæ Instantiæ Judicem est actura, ad Viginti usque Millia florenorum extra Dominium ad Curiam Regiam transmittantur: Quare in hoc Articulus præcitatus 31. 1729. modificatur.

Ut Modus Insurrectionis, & Exercitationis pro Tenore Articuli 66. An. 1681. in Regnis Dalmatiæ, Croatia, & Slavoniæ ultrò observetur.

ARTICULUS LIX.

Admittit clementer Sua Sacra Regia Majestas, ut Modus Insurrectionis, & Exercitationis præfatorum Regnorum pro ratione necessitatis, juxta Articulum 66. An. 1681. ultrò, & imposterum observetur, quemadmodum & observandus statuitur.

De

*De Campi Turopolya, & unius
Sessionis Nobilibus.*

ARTICULUS LX.

Circa Nobiles Campi Turopolya, & alios unius Sessionis Articulus 92. An. 1723. Intuitu verò Appellationis Causarum ex dicto Campo, Articuli. 106. An. 1659. confirmantur.

Regnorum Dalmatiæ, Croatia, & Slavoniæ, Filii Nativi, sub Denominatione Hungarorum complectuntur.

ARTICULUS LXI.

Accedente benignâ Sacræ Regiæ Majestatis Resolutione, communi Statutum, & Ordinum Votò, ultrò comperit, & statutum est; ut præfatorum Regnorum Regno Hungariæ annexorum Filii Nativi sub Denominatione Hungarorum, quoad Officia, & Beneficia Ecclesiastica, & Sæcularia etiam comprehensi intelligantur.

De

De Libera Panni pro Confiniario Regni Croatiae, & Sclavoniae Milite, in Regnum Inductione.

ARTICULUS LXII.

Panni pro solutione Confiniariae Regni Militiae eò modò, uti antea quoque usitatum fuit, penes solitas duntaxat Passuales, sine omni Tricesimae, & aliarum Pensionum Solutione, clementer annuente Suâ Sacrà Regiâ Majestate, Libera imposterum sine ullo Impedimento in Regnum admittitur Inductio.

De Generali Insurrectione modò infrascriptò declaratâ.

ARTICULUS LXIII.

Postquam Sacra Regia Majestas, & per benignissimam coram Statibus, & Ordinibus Regni Diætaliter Congregatis, è Regali Throno suo factam Propositionem, & mediante ad eos exarato Scriptò, infensa Electoris Ducis Bavariae Molimina, iniquissimamque ejusdem
erga

erga Sacram etiam Regni hujus Coronam formatam Prætenſionem detegere, ac inſimul in arctiſſimis Circumſtantiis iſtis; dum utpotè præfatus Elector numeroſiore Regis Galliarum Milite ſtipatus, Superiorem Auſtriæ Provinciam hoſtiliter invaſiſſet, & ipſam quoquè Urbem Vienneſem, veterem Auguſtæ Domûs Auſtriæ Sedem obſidere, atquè exinde Regnum etiam iſthoc, Partesque eidem adnexas indubiè invadere niteretur: Exercitus porrò Alteſtatis Regiæ Majeſtatis in Sileſia contra parem vim Regis Boruſſiæ oppoſitus, ibidem adhucdum diſtensus foret, anteaſtos Status, & Ordines non modò ad priſcam Gentis Hungaræ Virtutem, & capienda contra dictos ſuos, & Hæreditarii Regni ſui inimicos Arma benigniſſimè cohortari, verùm etiam Sacram Suam Perſonam, Auguſtæque Regiæ Proles, fidei, & Conſiliis fidelium Suorum Hungarorum clementiſſimè committere dignata fuiſſet, quemadmodùm Clementiſſimam hanc Sacræ Regiæ Majeſtatis, Dominiæ, & Reginæ Suxæ erga fidelem Hæreditarium Populum ſuum in eo quoquè conteſtatam fiduciam, Maternumque

aſſe-

affectum, & Propensionem iidem Status,
 & Ordines cum profundissima homagiali
 devotione suscepissent, ac in defensionem
 iustissimorum Regiorum, & Regni,
 ac Sacrae ejusdem Coronae, in Articulis
 1. & 2. Diætalium Anni 1723. Constitutionum
 firmatorum, fundatorumque Ju-
 rium, Vitam, & sanguinem sese impen-
 suros unanimi assensu polliciti sunt, ita
 omnem Curam, Solitudinem, & quæ-
 vis possibilia Media ad reprimendos ini-
 quos dicti Electoris Bavariae, aliorumque
 Regiorum, & Regni hostium Conatus,
 promptissimis animis convertere studen-
 tes, siquidem necessarium Militem formâ
 ordinariâ sub Signa cogere brevitâ tem-
 poris non sineret, spectatâ imminentis pe-
 riculi magnitudine, Majorum suorum inci-
 tati exemplis, finem in præmissum, & pro
 hacdumtaxat vice, ac necessitate, sub Con-
 ditionibus deniquè, & Cautelis, nè per id
 fundamentalibus Regni Legibus, avertisque
 Nobilium Prærogativis, Juribus, & Liber-
 tatibus (de quibus conservandis Altesata
 Regia Majestas Status, & Ordines Regni,
 hac etiam occasione clementissimè secu-
 ros reddidit) quòcunque modò præjudi-
 catum

catum sit, & nè ex hinc futuris quibusvis temporibus, consequentia formari possit, Generalem Regni Insurrectionem determinârunt; Cujusmodi Generalis Insurrectionis titulô, primùm quidem Viginti unum Mille, sexcentos, viginti duos Pedites, erga Portas Regni repartitos, & in sex efformandas Legiones subdividendos, stipendiâque sua, unâ cum universis Officialibus (inter quos, Stabales quidem, Sua Majestas Sacratissima resolvet, ac præficiet, alios autem inclusivè à Centurionibus ipsi Comitatus cum Coin-telligentia Tribunorum nominabunt) ex Fundo Contributionali Regni istius habituros, atquè ex eodem Fundo erga acceptationem per Comitatus, Civitates, Loca, & Districtus separatas Portas habentes vestiendos, omnibûsque necessariis requisitis, præter Sclopos, Vexilla item, Tympana, & Tentoria, quæ Sacra Regia Majestas providere dignabitur, similiter erga acceptationem instruendos effectivè statuent: Speciali desuper interpositâ Cautione, nè seu durante Insurrectione, seu eâdem cessante, ad supplendos qualitercunque emerfuros in his defectus,

fectus , præstandósque Tyrones , quocunque sub prætextu iidem Status , & Ordines adigantur, adigique unquam possint. Insurgent prætereà in Conformitate Articuli 8. Anni 1715. universi Nobiles , & omnes illi , quos sub Nomenclatione hac Lex complectitur , cujuscunque Dignitatis , Honoris , & Statûs Personæ Arma capient ; atquè insuper sub Cautelis suprascriptis , & absque ulla à modò imposterùm Consequentia , pro defendenda in præsentì Rerum discrimine , Sacra Altesatæ Regiæ Majestatis Persona , tutandóque contra prærecensitos hostiles insultus Regno , & Sacra ejusdem Corona , ultra præmissam Personalem Insurrectionem , ex præscripto præcitati Articuli 8. debitam, omnes Possessionati à singula Porta Palatinali singulum Equitem Armis, & necessariis Requisitis instructum , promptè , alacriter , & benevolè obtulerunt , quò citiùs fieri potest , statuendum , & usque effluxum imminentis Anni Militaris 1742. in Casu prædeclaratæ Necessitatis intertenendum: Ut verò tam circa istiusmodi Personalis Insurrectionis, quàm etiam statuendorum

à Portis Equitum Normam, & Methodum in Comitatus, Civitatibus, Locis, & Districtibus separatas Portas habentibus quævis suboriri queunt difficultates antevertantur, benignissimè annuente Suâ Majestate Sacratissimâ, sequentia eatenus observanda fore conclusum est: Omnes præfati Nobiles, & sub hac Nomenclatura Lege comprehensi, seu in Persona, seu per statuendos idoneos Equites, Armis, aliisque requisitis benè provisos ad Terminum, & Locum, intra Regnum per Districtuales Generales ab infra nominandos, sibi tempestivè intimandum, Dictamine Artic. 7. Anni 1435. sub Poëna in Articulo 46. 1681. denotata, ibidemque præscriptâ Modalitate in Contravenientibus desumenda, sese sistere tenebuntur. Nobiles demùm tenuiorum facultatum, ut sunt: Curialistæ unius Sessionis, & Armalistæ; qui nempe seu insurgere, seu pro se singillatim mittere nequirent, per Magistratus Comitatus limitabuntur, & juxta prudens judicium, conscientiosamque limitationem eorum, ad statuendum, & intertenendum Equitem plures insimul concurrent. Nobiles item Possessionati

nati stipendia merentes, secundum Articulum 44. 1542. & 46. An. 1681. similiter Viduæ, & Pupilli Possessionati, sensu Articulorum 13. 1547. & 21. 1622. ita & Officiales Comitatum, pro Personis suis ad mentem Articuli 24. Anni 1542. Equites statuent. Fratres indivisi in uno Pane, simulque in una Domo manentes, juxta Artic 19. 1545. unum tantum Equitem exhibebunt. Non secus Nobiles Prædiales Ecclesiarum, sensu Artic. 5. 1662. & 46. 1681. & alii in Bonis Coronalibus degentes, veluti alioquin etiam à Contributione Liberi, eâ, ut reliqui Nobiles Regni, modalitate, insurgent, & ad exercituandum tenebuntur: Univerfa porro Bona Fiscalia, & Cameralia à proportionem Portarum suarum Equites statuent. Possessor Jazigum, Cumanorum, & Philistæorum, pro se quidem unum, prætereà verò à singula Porta eorundem singulum Equitem præstabit; non absimiliter Oppida Hajdonicalia tam erga Portas suas, quàm etiam singulum Oppidum nomine Collectivò singulum Equitem statuet. Episcopi Titulares, Abbates dein, & Præpositi Bona tenentes, Capitulis non

incorporati, Archi-Diaconi Beneficiati, Monasteria, Collegia, Residentiæ, & Conventus possessionati conformitate Articulorum 14. An. 1595. 5. 1662. & 46. 1681. Equites statuent: Monasteria verò pro Sacris peragendis è gremio sui aliquot Personas submittent. Beneficiati Sopronienses, erga tamen Limitationem Diecefani eorundem, æquè sensu Articuli 46. 1681. Sancti-Moniales verò Possessionatæ, sensu Artic. 4. 1518. Equites præstabit. Singulum Capitulum nomine etiam Collectivò sumptum, dictamine præcitati Artic. 46. 1681. singulum Equitem dabit. Plebani (pauperioribus tamen exceptis) secundum conscientiosam Diecefanorum Limitationem, à proportionem Proventuum suorum, similitudine Artic. 23. 1545. pro hac Necessitate concurrent. Extranei in Comitatus, & Civitatibus residentes, Tricesimatores, Teloniatores, Postarum Magistri, & Veredarii, Salis item, & Montanarum, aliorumque Dominiorum Officiales, Carbonarii, ac alii in Articulo 46. 1681. & 12. 1662. denominati, juxta conscientiosam Magistratum Comitatus, & respectivè Civi-

Civitatum Limitationem, pariter pro hac Neceſſitate concurrent, nequè Diſpoſitionem iſtam Cameraticæ, aut Militares Jurisdictiones ullatenùs impediunt. Liberræ Regiæ, & Montanæ quoquè Civitates, quà Nobiles conſideratæ, ſingula, ſingulum Equitem præſtabit; loco ſtatuendorum autem à Portis ſuis Equitum, à ſingula Porta Palatinali Centum Florenos Rhenenſes pro Neceſſitate huiusce Inſurrectionis, pro hac pariter, ut præmiſſum eſt, vice, convertendos deponent. Si quidem autem complures ex Dominorum Magnatum, Prælatorum, & Nobilium quoquè ſtatu, in diverſis Comitatibus poſſeſſionati eſſent, pro majori eorundem Commoditate, juxta etiam Artic. 3. 1649. aliòſque præcitatos, præſtandos Equites in Comitatu, quò Reſidentiam habent, ſiſtere valebunt, ità tamen, ut de Obtingente ſuo ex aliis Comitatibus, coram Magiſtratu Comitatus illius, in quò reſident, ſufficiens teſtimonium producant; Licebit autem his, qui in Perſona inſurgent, præſtandos à Portis ſuis Milites ſecum ducere. Ad ſervandum porrò bonum Ordinem, & evitandas Confuſiones, Mili-

tia istiusmodi sub Signis aliàs, & Vexillis Comitatum, ex præscripto Articulorum 17. 1595. 11. 1596. 5. 1598. & 46. 1681. in Campum proditura, per ipsos Comitatus in Cohortes redigetur, & ex hac ipsa capaciores, & magis apti, in Conformitate Artic. 20. 1545. in Officiales præficientur. Quia verò certam etiam Legibus Regni conformem Normam exercituandi habere deberet, Sua Majestas Sacratissima Districtuales Generales resolvere dignata est; & quidem in Circulo Trans-Danubiano, Excellentissimum, ac Illustrissimum Dominum Josephum Comitem Eszterházy de Galantha, Judicem Curiae Regiae, Comitatus Comaromiensis Supremum Comitem, Altesatae Regiae Majestatis Consiliarium Actuale Intimum, & Generalem Campi Mareschallum. In Circulo Cis-Danubiano, Excellentissimum, ac Illustrissimum Dominum Franciscum Juniorem Comitem Eszterházy de Eadem Galantha, Agazonum Regalium per Hungariam Magistrum, & Comitatus Borso-dien-sis Supremum Comitem, Ejusdemque Regiae Majestatis Consiliarium Actuale Intimum, & Generalem Equitatus. In
 Cir-

Circulo demum Cis-Tybisano Excellentissimum, ac Illustrissimum Dominum Comitem Georgium Csáky de Keresztzsegh, Altesatæ Regiæ Majestatis Generalem Campi Mareschallum, & unius Legionis Equitum Hungarorum Colonellum, necnon Comitatus Scepusiensis Perpetuum Supremum Comitem. In Circulo item Trans-Tybisano, Excellentissimum, & Illustrissimum Dominum Alexandrum Comitem Károlyi de Nagy-Károly, Sacræ Regiæ Majestatis Consiliarium Actuale Intimum, Generalem Campi Mareschallum, & Comitatus Szathmariensis Supremum Comitem. Quorum prærecensitorum Generalium Muneris, & Activitatis erit, in singulo sibi concredito Districtu cum Comitatibus correspondere, necessarias idcirco Dispositiones facere, ac tam insurgentem Nobilitatem, quàm & statuendos Equites in Processu, in Exercitu, & Reditu dirigere. Et quamvis Insurgentes, ac à Portis quoquè statuendi Equites, propriis sumptibus intra Regnum exercituare tenerentur, & quivis pro se, & suis providere deberet, quia tamen practicabile non esset, ad Alimentatio-

nem necessaria secum vehere, ideò in Progressu, & Reditu omnes illi Comitatus, quos Transennæ hujuscemodi contingent, necessarium Panem, Fœnum, & Avenam transeuntibus præstabunt, paratò attamen ære, & quidem Pretiò Regulamentali exolvendam. In ipso autem Exercitu, & Castris, de Subsistentia, & Alimentatione Sacra Regia Majestas eas clementissimè factura est Dispositiones, ut Panem, & Avenam ex Magazinis Regiis habere valeant, Panem quidem tamdiu gratis percepturi sunt, donec Pretium ejusdem destinatum in hunc finem Summam adæquaverit: In reliquo tam hunc, quàm percipiendam Avenam, Regulamentali pretiò, paratòque ære compensabunt; si tamen Militiam hanc Nobilitarem, in conformitate Legum Patriæ extra Regnum prodire contingeret, eo in Casu Sua Majestas Sacratissima de gratuita Subsistentia ejusdem benignissimè providebit, eidémque suppeditari curabit. Ut verò Modalitate prædeductâ Insurgentes eò commodiùs subsistere possint, universa Victualia, & Res venales ad justum pretium reduci necessum est; quò
fine

fine Magistratus Comitatum Limitationes ejusmodi Victualium, Rerumque venalium quantocyùs elaborabunt, in gremio sui stricte observandas: Cæterum omnes illi, cujuscunque Conditionis sint, qui ad Castra, & Exercitum Victualia ad vendendum vehent, & administrabunt, aut his Quæstum exercere volent, ab omnibus Tricesimis, Tributis, & Telo-
niis liberi fient. Utque etiam circa solutionem, tam à Portis statuendorum, quàm etiam locò Personarum mittendorum Stipendiariorum, debitus ordo, & Regnotenùs æqualis Norma observetur, eoque commodiùs statui valeant, & iisdem omnis ansa exostulationis, & cum Dominis suis altercationis antevertatur, horum Menstruum stipendium unà cum Pane, in singula Portione Orali à florenis Tribus Rhenensibus, prout & in singula Portione Equili pariter à florenis Tribus constituitur; cujuscunque Exolutionis fine, ad quamvis Cohortem unus, aut pro necessitate etiam plures Commissarii per Comitatus nominabuntur, quibus necessaria in sortem stipendii Pecunia consignabitur, hi verò Milites suò modò exol-

vent, Rationes desuper Magistratibus Comitatus reddituri. Ad præcavendos demùm antedicti Equitatûs quosvis Excessus statuitur: Ut renovatô Articulô 44. 1545. & 21. Anni 1596. in Conformitate ejusdem, contra Excedentes, Capitanei modô superiùs scriptô, per Comitatus constituendi, pro ratione Excessuum, aut commissi delicti, summarie procedant, universisque Querulantibus, & læsis illicò satisfactionem impendant, iis verò insufficientibus, aut omittentibus, suprafati Districtuales Generales Excessibus ejusmodi debitam medelam ponere valebunt.

De Negotiorum, quæ hâc Dietâ concludi nequiverunt, ad futuram Regni Dietam Remissione.

ARTICULUS LXIV.

UNiversa Negotia, de quibus hâc Dietâ, spectata, quæ in præsentî rerum discrimine enata est, temporis arctitudine, conveniri non potuit, ad futuram Regni Dietam

Diætam remittuntur. In quibus, uti & aliis eotum perdemissè proponendis, Sacra Regia Majestas, & Benignitatem Suam Regiam, & Consolationem Statibus, & Ordinibus Regni clementer pollicetur.

*Ordo Fratrum Prædicatorum
Sancti Dominici in Regnum
Hungariæ, Partésque eidem
annexas recipitur.*

ARTICULUS LXV.

Florentem olim etiam in hoc Regno Hungariæ Religiosum Fratrum Prædicatorum Sancti Dominici Ordinem, Status, & Ordines Regni in Regnum hocce Hungariæ, Partésque eidem annexas, absque tamen omni Voto, & Sessione recipiunt, cum ea obligatione, ut idem Ordo in Testimonium Gratitude suæ, Duodecim Sacrosancta Missæ Sacrificia singulis Annis in perpetuum pro Sacræ Regiæ Majestatis, Successorúmque Hungariæ Regum, & Apostolici istius Regni incolumitate, prosperitate, & incremento celebrare teneatur.

Sere-

Serenissimus Princeps Dominus CAROLUS ALEXANDER à Lotharingia, erga Statuum, & Ordinum Regni Invitationem, in Hungarum cooptatur.

ARTICULUS LXVI.

Magna, & multis encomiis seræ etiam Posteritati celebranda, Serenissimi gloriosæ recordationis Principis CAROLI Lotharingiæ, & Barri Ducis, de Republica Christiana, ejusdémque antemurali, Regno videlicet isto Merita, in serie Articuli 4. Diætæ præsentis uberius expressa, hac quoquæ vice gratissimâ recolentes memoriâ Status, & Ordines Regni, atquæ magnas pariter, & hæreditarias glorioso tantorum Heroum Sanguini Virtutes, ac singulares Dotes, in altero etiam præmemorati Ducis Nepote, Serenissimo quippe Principe Domino CAROLO ALEXANDRO à Lotharingia, Aurei Velleris Equite, Sacræ Regiæ Majestatis in Belgio Austriaco Governatore, & Capitaneo, Generali

nerali Campi Mareschallo, & Legionis Pedestris Tribuno, contra juratum similiter Christiani Nominis hostem cum vitæ periculo, & gloria magni Nominis sui, in defensione Regni hujus testatas, peculiarem item erga Nationem Hungaram affectum, gratissimis animis suspicientes, & recognoscentes, in signum debitæ eorundem gratitudinis, propriò motu, & unanimi Consensu, Indigenatum Regni Eidem Serenissimo Principi obtulerunt, præmissaque Invitatione, in Numerum, & gremium verorum, & indubitatorum Regni Hungariæ Memborum, cum futuris Legitimis Descendentibus, absque omni Taxa concordibus suffragiis cooptârunt, & consuetum ab Eodem Juramentum exceperunt: firmâ spe freti, prælibatum Serenissimum Principem Jurium, & Legum Regni istius Defensorem, ac studiosum incrementi, & emolumentum ejusdem, in omne tempus Promotorem futurum.

Serenissimus Princeps Dominus FRANCISCUS Mutinæ, Rbegii, & Mirandulæ Dux, pater

riter pro Regni Hungariæ Indigena declaratur.

ARTICULUS LXVII.

CONSIDERATIS Serenissimi Principis Domini FRANCISCI Mutinæ, Rhegii, & Mirandulæ Ducis, Principis Corregii, Marchionis Estensis, & Concordiæ, Rhodigii, Carpi, Novellariæ, & Bagnoli Comititis, de Regno hocce bene meritis, qui nimirum Expeditioni adversus Portam Ottomannicam Annô 1737. susceptæ, primum Ipse in Persona interfuit, Annô autem 1739. in Suppetias, & Auxilium Exercitus Cæsareo - Regii adversus eundem Christiani Nominis hostem, bina Peditum Agmina è Ditionibus suis Italicis pro defensione Regni istius expedit ; Status, & Ordines Regni prælibatum Ducem, & è Lumbis ejus Descendentes Masculos Hæredes, in Cœtum, & consortium reliquorum Regni Hungariæ Civium, erga præstitam tam Juramenti, quàm obvenientis juxta conditum hâc Diætâ Articulum 41. Taxæ Depositionem, communi Consensu receperunt, & cooptârunt, sperantes, imò plenè confidentes, quòd tam
Ejus-

Ejusdem Serenissimi Ducis, quàm Descendentium Masculi sexûs Hæredum gratitudinem, zelum item, amorem, & studium in promovendum Patriæ hujus Emolumentum, quibusvis occasionibus indubiè sint experturi.

*Excellentissimi, ac Illustrissimi
Domini Sacri Romani Imperii
Comites Joannes Franciscus Godefridus à Dietrichstein, & Philippus Josephus Kinszky in Indigenas æquè recipiuntur.*

ARTICULUS LXVIII.

Clarissimarum Familiarum Dominorum Comitum à Dietrichstein, & Kinszky in Diætalibus superiorum Annorum Articulis jam per priùs declarata Merita, peculiariter verò gratam, & singularem in promovenda Regni istius Commoda promptitudinem, Excellentissimorum, ac Illustrissimorum Dominorum Joannis Francisci Godefridi Sacri Romani Imperii Comitis à Dietrichstein, Domini in Hollenburg, Finckenstein, & Lanskron,

kron, Hæreditarii in Carinthia Supremi Pincernæ, in Styria verò æquè Supremi Venationum Magistri, Aurei Velleris Equitis, Sacræ Regiæ Majestatis Consiliarii Actualis Intimi, necnon Cameræ Aulicæ Præsidis; ac Philippi Josephi Kintzky Sacri Romani Imperii Comitis à Chinitz, & Tettau, Domini Dynastiarum Bohemorum Camnitz, Slonitz, & Postovitz, Summefatæ Regiæ Majestatis Consiliarii Actualis Intimi, & Regni Bohemiæ Supremi Cancellarii recognoscere satagentes, Status, & Ordines Regni, prænominatos Dominos Comites, & Illum quidem cum Filiis Josepho, Carolo, Leopoldo, & Joanne Nepomuceno, Hunc verò cum Filiis Francisco Udalrico, & Joanne Josepho, superscriptorumque omnium Descendentibus Masculini sexûs, in numerum, & consortium aliorum Regni Hungariæ Indigenarum, erga depositam Articulò 41. Constitutionum Diætæ præsentis statutam Taxam, præstitumque solitum Juramentum receperunt: Nulli dubitantes, imò indubiè confidentes, quòd in futurum etiam, & tantò magis gratos, & proficuos Regno, Nationique huic semet exhibere, vero-

verorúmque Patriæ Civium Munus omni ex parte adimplere studebunt.

Excellentissimus, & Illustrissimus Dominus Franciscus Ervinus Sacri Romani Imperii Comes à Schönborn, subinsertique, pariter in Regni Indigenas recipiuntur.

ARTICULUS LXIX.

Permoti Status, & Ordines singulari illâ, quâ Celsissimus, & Reverendissimus Dominus Fridericus Carolus Sacri Romani Imperii Princeps à Schönborn, Bucheim, Wolffstal, Episcopus Bambergensis, & Herbipolensis, Franciæ Orientalis Dux, in promovendum Regni istius emolumentum, ac totius Nationis decus fertur, promptitudine, in Articulo etiam 133. Anni 1715. declarata; ob condignum respectum, merita, & intercessionem præmemorati Principis Episcopi, ultra Domini quondam Comitis Anselmi Francisci à Schönborn, Bucheim, Wolffstal,

tal, Fratrìs ejusdem Carnalis, & Uterini, sub Generali Regni Conventu, Annò 1729. celebratò, in Numerum indubitatorum Regni hujus Indigenarum cum Filiis suis recepti, Articulis tamen Diætali-
 bus eorùm neutiquam inserti, jam verò humanis erepti, Filios, alterum etiam prænominati Principis Fratrem germanum, Excellentissimum nempe, ac Illustrissimum Dominum Franciscum Ervinum Sacri Romani Imperii Comitem à Schönborn, Bucheim, Wolffstal, Aurei Velleris Equitem cum Filiis æquè, eorùmque Descendentibus Hæredibus Masculis, in Consortium verorum Regni hujus Incolarum, & Indigenarum, erga præstitam Cassæ Regni satisfactionem, & deponendum Juramentum receperunt, & cooptârunt: Non ambigentes, quin posterum quoque, & quidem tantò ampliùs, tam prælibatus Princeps, quàm antelati Frater, & ex supra nominato pariter Fratres Nepotes, horùmque Hæredes Masculi, Regno, & Nationi gratos, & utiles, ac veros Patriæ Cives fiat, semet omni tempore præstituri.

Illu-

Illustrissimus Dominus Comes Antonius Ignatius, Carolus Augustinus à Merzy de Argentaun, in Indigenam Regni similiter recipitur; Illustrissimi item Domini Comites Alexander Sigismundus, Ferdinandus, & Carolus Sacri Romani Imperii Comites à Lymburg Styrum, jam antehac in Regni Indigenas in Patre, & respectivè Avo suo recepti, inarticulantur.

ARTICULUS LXX.

ET Meritorum Claudii Florimundi Sacri Romani Imperii Comitis à Merzy in Articulo 125. Anni 1723. declarationum memores, & propria Illustrissimi Domini Antonii Ignatii Caroli Augustini Sacri Romani Imperii Comitis à Merzy de Argentaun adoptivi ejusdem Filii, & Hæredis, Servitia contra hostem Christiani Nominis præstita considerantes, vel maximè verò primam Sacræ Re-

giæ Majestatis Dominæ Dominæ eorum Clementissimæ hac in parte benignissimè interventam Commendationem devotissimis animis respicientes Status, & Ordines Regni, antelatum Dominum Comitem Antonium Ignatium Carolum Augustinum à Merzy de Argentau, Altememoratæ Regiæ Majestatis Camerarium, Generalis Campi Mareschalli Locumtenentem, & unius Legionis Ordinis Pedestris Tribunum, cum Filio Claudio Florimundo, eorundemque Hæredibus, in Numerum, Cœtum, & Consortium reliquorum Regni istius Indigenarum receperunt, & cooptârunt; Confidentes: quòd vigore præstiti coram iisdem Statibus, & Ordinibus Juramenti, verum, gratum, fidelem, & utilem Patriæ Civem semet exhibere studebit, qui ultra præstitum, ut præmissum est, Juramentum, jam etiam Cassæ Regni satisfecit. Quandoquidem porrò Status, & Ordines Regni Excellentissimum, ac Illustrissimum quondam Sacri Romani Imperii Comitem Maximilianum Vilhelmum à Lymburg Styrum, spectatis Ejusdem Meritis, in cæterorum Regni hujus Incolarum, & Indigena-

genarum Numerum jam per prius recepissent; hinc eò intereà fatis functò, Filii ejusdem Illustrissimi utpotè Domini Alexander Sigismundus, Ferdinandus item, ac ex Filio itidem Carolo è vivis pariter erepto, superstes Nepos Carolus Sacri Romani Imperii Comites à Lymburg Styrum (ex parte quorum jam etiam Cassæ Regni satisfactum esset) inarticulantur, & pro Regni istius Indigenis cum Descendentibus Masculini sexûs Hæredibus declarantur: Qui prouti reliquis etiam in Articulo 26. 1687. Anni, denotatis Conditionibus satisfacere erunt obstricti, ità dubium non est, quòd gratos, utiles, & fideles Regni istius Cives semet omni occasione exhibere conabuntur.

CONCLUSIO.

NOS itaque demissâ memoratorum Fidelium Nostrorum Dominorum Prælatorum, Baronum, Magnatum, & Nobilium, cæterorumque præattacti Regni Nostri

Hungariæ, & Partium eidem annexarum Statuum, ac Ordinum Supplicatione, & Instantiâ benignè exauditâ, clementer & admittâ, universos præspecificatos Articulos, præviô modô Nobis præsentatos, hisce Literis Nostris de verbo, ad verbum inferi, & inscribi fecimus, eosdémque, ac omnia, & singula in illis contenta ratos, gratos, & accepta habentes, eisdem Regium Nostrum Consensum, benevolum pariter & Assensum præbuimus, Regiâque pariter Autoritate Nostrâ approbavimus, acceptavimus, ratificavimus, & confirmavimus; securos reddentes prædictos Fideles Status, & Ordines, quòd omnia in præinsertis Articulis contenta, tam Nos Ipsæ observabimus, quàm per alios quoscunque Fideles Nostros observari faciemus,

Quem-

Quemadmodum acceptamus, approbamus, ratificamus, & confirmamus. Harum Nostrarum vigore, & Testimonio Literarum mediante. DATUM per manus Fidelis Nostri Nobis sincerè dilecti Spectabilis, ac Magnifici Comitis Ludovici de Batthyán, Perpetui in Németh-Ujvár, Comitatus Castriferrei Supremi, & Perpetui Comitis, Pincernarum Nostrorum Regalium per Hungariam Magistri, Consilarii Nostri Actualis Intimi, & per antelatum Regnum Nostrum Hungariæ Aulæ Nostræ Cancellarii, in Arce Nostra Regia Posoniensi, Die Vigesimâ nonâ Mensis Octobris, Annô Domini Millesimô Septingentesimô Quadragesimô primô: Regnorum Nostrorum Hungariæ, Bohemiæ, & reliquorum Annô secundô. Reverendissimis Illustri, ac Venera-

bilibus in Christo Patribus Dominis, Fratre Emericô è Comitibus Eszterházy de Galantha, Sacri Romani Imperii Principe, Metropolitana Strigoniensis, Gabriele Hermannò è Comitibus Patachich de Zajezda, Colocensis, & Bachiensis Ecclesiarum Canonicè Unitarum Archi-Episcopis, Comite Gabriele Antoniô Erdôdy de Monyorókerék Agriensis, Petrô Bakich, Bosniensis, Adamô Acsády, Veszprimiensis, Georgiô Branyugh, Zagrabienfis, Joanne Antoniô de Benzony, Segniensis, & Modrufiensis, seu Corbaviensis, Adolphô à Sancto Georgio, Jauriensis, Ladislaô Szörényi, Sirmiensis, Michaële Carolô è Comitibus ab Althann, Vacienfis, Comite Nicolaô Csáky de Keresztszegh, Varadiensis, Fratre Nicolaô Stanislavich, Csana-

Csanadiensis, Comite Sigismundô Berényi de Karáncs-Berény, Quinque-Ecclesiensis, Comite Emericô Eszterházy de Galantha, Nittrienfis, Barone Franciscô Xaveriô Klobusiczky de Zettény, Transylvanienfis, Comite Franciscô Antoniô Engl de Vagrein, Belgradiensis, & Samandrienfis, Alexandrô Mariafsy, Tininienfis; Comite Paulô Forgács de Ghymes, Electô Rosonienfis, Paulô Spaczay, Electô Arbenfis, Joanne Kifs, Electô Ansariensis, Georgiô Foglár, Electô Serbienfis, Georgiô Handler, Electô Vovadrenfis, Paulô Bartakovics, Electô Almisenfis, Petrô Guilielmô Castellein, Electô Traguriensis, Stephanô Nozdroviczky, Electô Catariensis, Comite Franciscô Zichy de Vasonkô, Electô Novienfis, Jacobô Fabri, Electô Dulcinenfis,

Wenceslaô Bukovszky de Hufztr-
zan, Electô Tribunicensis, Step-
hânô Ketzer, Electô Makariensis Ec-
clesiarum Episcopis Ecclesias DEI
feliciter gubernantibus. Nec non
Spectabilibus, ac Magnificis Comite
Joanne Pálffy ab Erdôd, Aurei
Velleris Equite; dicti Regni Nostri
Hungariæ Palatinô, Comite Jose-
phô Eszterházy de Galantha, Ju-
dice Curiae Nostræ Regiæ, Regno-
rum Nostrorum Dalmatiæ, Croa-
tiæ, & Slavoniæ Bani Officiô va-
cante, Comite Leopoldô de Ná-
dasd, Perpetuô Terræ Fogaras, Ta-
vernitorum, prædictô Comite Lu-
dovicô de Batthyán, Perpetuô in
Németh-Ujvár, Pincernarum, Co-
mite Josephô Illesházy de Eadem,
Perpetuô in Trenchin, Dapifero-
rum, Comite Franciscô Eszterházy
de prædicta Galantha, Agazonum,
Comite

Comite Nicolaô Pálffy ab antelata
 Erdôd, Curia, Alterô Comite Ca-
 rolô Pálffy à prærepetita Erdôd,
 Janitorum, Illustri Sacri Romani
 Imperii Principe Antoniô Eszterházy
 de Galantha, Perpetuô in Frakno,
 Cubiculariorum Nostorum Rega-
 lium per Hungariam Magistris: Ac
 prælibatô Comite Joanne Pálffy à
 totiesfata Erdôd, Comite Posonien-
 si, cæterisque quàm plurimis sæpefati
 Regni Nostri Hungariæ Comitatus
 tenentibus, & Honores.

Maria Theresia, mpr.



Comes Ludovicus de
 Batthyán, mpr.

Josephus Koller de Nagy-
 Mánya, mpr.



005679062

